

新纂雲南通志

盧

漢題

簽



卷二	卷一	卷一	第一冊
大事記二	大事記一	序首	纂修職名
		凡例	校印職名
		總目	





民國三十七年四月

新纂雲南通志

周鍾嶽題



新纂雲南通志卷首

新纂雲南通志序一

夫人羣進化之跡文物因革之制其得失利病是非曲直治亂興衰之原史籍傳焉乃能視千載猶旦暮邦國如是方域亦然周官外史掌四方之志後世則有地理圖經行省通志以及府廳州縣志之屬體例愈備一方之掌故萃集一篇詳民情察方俗應興應革何取何舍國史之所不及者微方志無以資考鏡也滇雖文化之開較中原爲後然自遷固之書即有紀述晉則南中志纂自常璩唐則雲南志作於樊綽元有李京雲南志略明代洪武景泰兩修圖經彭綱周季鳳李元陽包見捷劉文徵等皆有志及志草之作清代官修通志康熙乾隆道光光緒成書凡五私著如倪颯滇雲歷年傳王崧道光志

鈔及備徵志師範滇繫等書炳炳麟麟文獻固足徵也然而治史者
往跡堪珍今獻尤要須隨時增修始見其全且典籍之傳播天災人
事皆足以相斬厄即如明修雲南諸志多爲清代修志者所未見閱
於古而顯於今較其異以考其實網羅放佚踵事增華豈非後起之
責哉雲 謬膺簡命寄任封疆桑梓之邦敬恭之所受命以還兢業從
事既綏靖閭閻修養生息復以整齊文獻振導學風爲不可或忽之
要務爰於民國二十年秋延聘通儒重修省志劍川周君惺甫實主
其事三迤賢俊分任纂修定凡例廣徵採萃精華懷鉛提槧鉅細弗
遺繼周君入贊中樞復延劍川趙君星海呈貢秦君璞安先後主持
修訂迄今歲夏乃全部殺青都二百六十六卷擷明清十餘種舊志
之要採實事求是治史之法紹述前修成茲宏製洵快事也間常謂

吾滇自莊蹻開疆爨蒙世傳南詔大理相繼建國元明清代設置行
省上下二千餘年恆與中原呼吸相通有綦切之關係民國而後護
國靖國諸役滇人所靖獻於國家者其勳烈尤度越乎前代是知滇
之史實即國之史實也其徵信之史料惟就地摭集爲易今新纂通
志編年爲記紀事爲考依人立傳佐以圖表振筆直書言皆有據庶
可以備國史之採擇乎緬懷鄉賢或以經文緯武之資爲國棟樑或
以法言躬行之德垂範鄉里張叔盛覽李恢呂凱諸公遐焉邈矣近
世如楊文襄公安定社稷師表一世嚴恭肅公廉介不阿勤政恤民
鄭和探險家也蕭崇業外交家也龍在田畢金科楊玉科軍事家也
毛用成王伯舉以直諫傳薛爾望錢南園以氣節著趙玉峯劉寄庵
程月川以吏治稱以及王樂山吳鼎堂之治經王疇五師荔扉之治

史李復齋何丹畦審蘭泉之究心理學皆國中有數人物讀志中各種列傳叢傳足使百世之下頑廉而懦立豈嘗遜於中原哉且滇位邊陲爲西南屏障氣候溫和物產豐富自抗戰軍興既發動全省人力物力爲捍衛之資而戰後之建設則無論於文化於經濟於農礦工商各種生產事業必將以滇省爲復興之要地而無疑况吾國實施憲政爲期非遠完成地方自治以後誠如建國大綱所示均權之制有全國一致之性質者劃歸中央有因地制宜之性質者劃歸地方權責既專致力乃易雖爲地方亦即所以爲國由是而言因地制宜之方則將有取於志乘通志於天文氣象地理交通物產等均列考而備載之更詳及社會民生實業等部門足資參稽就其因革之關係以與實際比勘而互証之效用斯宏是則修茲通志非僅作典

籍觀而吾人所以盡力於桑梓者其任重其事繁而實責無旁貸也
書既付印爰書所見於篇首殆爲修志諸君子所同感也夫
中華民國三十三年十月昭通龍雲

新纂雲南通志序二

雲南古荒服地素稱僻遠然俯瞰中州雄據上游有高屋建瓴之勢自莊躡王滇以始皇之強不能夷爲郡縣漢武當全盛之時威震四夷乃得撫而有之武鄉侯將北征必先定南中以爲根本迄於有唐四裔賓服中葉失馭遂使南詔稱雄凌轢巴蜀宋不敢有論者惜之元人問鼎中原首取雲南以扼其背明小腆亦據之以延祚者十餘年雲南雖僻遠乎語其形勢關係大局之重爲何如也民國以還護國之役尤以一隅繫全局安危抗日之師亦以雲南爲反攻基地歷觀往事雲南詎可妄自菲薄哉昔長白英奎序光緒雲南通志謂滇爲大有爲之地志亦大有用之書允哉斯言夫方志者所以紀一方之往事以備國史之要刪覘國者重視其國史亦必重視其方志雲

南之與國家其關係之重既如彼則通志之纂修詎容輕心掉之考
記載滇事之書以常璩南中志樊綽蠻書爲最古然僅大輅之有椎
輪耳不得云方志也雲南有志當自元李京志略始有明一代洪武
景泰正德中歷有纂輯復有李元陽包見捷劉文徵謝肇淛諸先正
之私家著述體裁漸明備矣清則康熙雍正道光光緒經纂修者五
次而以道光志較稱完善光緒兩志又加董理考往事者多取資焉
嗣是而後時閱數十年未經續纂世界大通民國肇造變動既劇紀
述宜詳乃於民國二十年開館重修釐爲二編一自雲南文化初開
至清宣統三年止一自民國初元訖晚近止前者即名爲新纂雲南
通志後者則稱雲南通志長編前編成書計二百六十六卷卷帙既
繁殺青不易計自三十三年九月付印以幣值日落未能早日竣工

漢
既主省政悉其委折乃籌專款嚴考成勒限至三十七年年底完
成不得違延今既竣工矣全書共六百四十八萬二千七百餘字表
五百三十篇地圖一百九十八張插圖七十八張如此龐然鉅製自
我觀成欣幸何如因略述纂修及付印始末以見成書之不易抑詳
近略遠爲治史通則民國以還雲南所負國家責任之重亦遠超前
史今所成者尙僅前編甚望後編亦早告成與當世相見也雲南省
政府主席昭通盧漢序時民國三十八年二月五日

新纂雲南通志序三

中國史籍肇源最古載筆之體流別亦繁國史而外又有方志周官
方志掌於外史而柱下有百二十國寶書所以紀一方之掌故備國
史之要刪當時國別爲史亦稱春秋其始以志名書者則首推常璩
華陽國志厥後地方郡縣志乘寢多吾滇之有志書自元李京志略
始而事屬草創舉無足觀經明清兩代賡續纂修規制漸備然自岑
唐兩志成書後迄今已五十餘年其間國體既有變更治化亦多演
進而公私紀載尙付闕如民國十九年省政府既有意續修滇志適
內政部有籌設通志館咨文乃誣諉鍾嶽與省府各委員先行籌備事
宜並延聘滇中通儒共相商榷鍾嶽以爲方志之作其體史也其用則
政書也一方宜詳考歷代文化遞嬗之跡象以爲徵文考獻之資一

方宜備載民情風土之所宜以爲施政牖民之鑑故收羅必廣記載必周庶幾彰往察來可裨實用爰本斯旨相與參稽舊志博採羣書釐定體裁擬訂例目對於舊志略有修正舉其大要約有數端一舊志首錄誥諭特重皇言今政體攸殊無庸別崇體制天文分野雖沿禮經而地限九州實難徵信山川古蹟舊志多附載詩文然多流連風景之詞無關典要其有可資考證者宜依類敘入各門凡屬浮言悉從刪削不獨以省篇幅亦志例宜然也一馬班著史功在八書十志君卿貴與擴爲典考漁仲之畧尤具精識歷朝典制不難參稽而志書中之足爲政治考鏡者亦具在於此今庶政聿新已非前人方志所分建置經政諸門所能賅括且舊志標目間有紛糅宜於新舊制度詳加審度另列體系使與現制相符庶治具畢張而因革損益

有所依據一紀傳之興肇於史漢稱名作傳爲世表坊舊志人物多專列姓名夾注事蹟此章寶齋所譏摘比之類書詞人之雜纂者也今宜人編列傳事具首尾仍參酌各志分列名宦名賢忠節孝友宦蹟武功儒林文苑列女寓賢諸目專傳彙傳巨細靡遺庶前人之立德功言者可以並傳不朽一滇中文學自漢代張叔盛覽首開其先而許叔尹珍之倫均以傳經著稱於世後漢元和中興起學校文教益廣唐宋失馭蒙段偏據一隅古代藝文遂至湮沒然漢時蘭津唐叢諸歌爲聲詩之始蜀漢呂凱答雍闓檄文詞茂美上薄西京即南詔時驃信與清平官遊避風臺賦詩而趙叔達楊奇鯤等之斷句殘篇見於他書者亦不無可誦之作惜其時聲教睽隔著述闕焉無聞及元明復歸版籍各省人士亦多入滇文學蔚興駸駸與中原比伍

舊志藝文一門滇人著述之書阮志著錄者六百九十五部唐志著錄者一千二百七十九部阮志並於著述書目備載解題則當時專集流傳亦當不少乃乾隆年間四庫全書館徵求遺書滇撫李右江中丞得滇中先賢遺著匿不上聞而漫以滇屬邊荒並無著述覆奏使滇人文藝不獲與於冊府著作之林民國初年輯刻雲南叢書迄今殺青者已數百種復有滇詩叢錄滇文叢錄之輯與叢書相輔而行先哲鉅製鴻篇已燦然可睹故今志藝文專載目錄仍仿劉錄班志之例並爲提要以闡明作者之大旨庶不至文獻無徵也其餘義例具見凡例及分類綱目中體例旣明乃從事編纂惟是志書之成非可臆撰采摭益備則撰述益可翔覈然官司案牘旣叢雜而難稽所徵集於地方者又多疏舛而不得體要志材旣缺纂輯益難賴編

纂諸賢博采勤搜彌歷數年始成初稿適

鍾嶽

奉命入參內政遽離志

館未竟厥緒趙君弢甫續爲整理復經秦君璞安與編審諸君詳加

修訂至是而新修雲南通志乃告成書省府主席龍公志舟飭司籌

資付諸剗刷並屬

鍾嶽

爲之序言竊謂纂修方志自古爲難宋元明清

以來各省志乘雖多而爲時稱誦者亦屈指可數其踏駁猥濫者無

論矣即深明史例夙號專家者及今觀之亦尙難免後人訾議曩者

阮文達督滇時以碩學魁儒監修滇志甫定篇端未幾移節兩粵及

志書成而文達以爲雜出衆手尙待裁擇名爲志稿未敢進呈岑襄

勤戡平滇亂留意典章設局採訪分曹編輯勒爲一書及會典館行

文咨取而崧督黃撫以爲事迹多據傳聞政典亦多缺略乃綜合前

志另加編排今新修志書幾經審慎亦冀補前人之闕集各家之長

然後之視今亦猶今之視昔則拾遺匡謬尙有待於來茲至徇情阿
好微文曲筆之詭吾知免矣

中華民國三十四年六月周鍾嶽撰

新纂雲南通志序四

中華民國三十二年六月龍志舟主席爲完成雲南志稿特設通志

審訂委員會聘

玉

爲主任委員

玉

以年老學荒再三辭謝未獲允許

迺與張

華瀾

繆

爾紆

方

國瑜

姜

寅清

梁

之相

于

乃義

六委員分別審查闕者補之複

者刪之意所未愜者考訂而修正之懷鉛提槧昕夕不遑竭九閱月之力始克蒞事蓋嘗反覆披閱而知此次新纂志稿有特點五項試略述之舊志體例李志分十二類劉志十四類阮岑唐三志各分十三類均以性質爲區別本志仿章實齋湖北通志例按文字體裁分記圖表考傳五篇與舊志分類迥然不同執簡馭繁別開生面其特點一也鄂志之師旅考阮岑唐三志之戎事門專紀武功於古今大事未能包舉劉志范志雖有沿革大事考然亦語焉不詳本志首列

大事記詳考史籍用編年體裁紀載本省大事始唐堯元載迄清季止分爲上古中古近古三代滇雲歷史一覽瞭然其特點二也舊志天文僅載星野以二十八宿分配中國識者多譏其謬而祥異氣候亦不能解釋其理由本志天文考專就星象授時之有紀載者分別列表並加以科學之說明其光象旋風水汽氣候物候等則列爲氣象考天文地文判然分明其特點三也雲南跨溫熱兩帶地廣山多物產豐富舊志列入食貨分晰未精本志設物產一門分動物植物礦物諸日照科學分類詳加說明使人知重視天然物品資原開發胥視乎此其特點四也滇處西南極邊自越淪於法緬陷於英遂居國防上重要地位清季以來外人勘界通商傳教游歷交涉日繁唐志所紀洋務尙嫌簡略本志列外交一門依據中央外交部成案本

省交涉署檔案將歷來外交要件勒爲專篇以資後來借鏡前車不遠來軫方適其特點五也以上五項皆其犖犖大者其他因時制宜革舊從新者不一而足蓋當科學昌明與社會複雜之際非博採資料擴充門類無以破宿昔之固陋導人士以開明豈故爲立異哉亦應時勢之需要不能不如此耳綜計此次新志工作歷十餘寒暑經營慘澹文省事增成書二百六十六卷此固由於龍主席之毅力主持周館長之悉心籌畫編纂諸君子之竭慮殫精分工協力乃成此龐大之著作也回憶十餘年前通志館開幕時玉曾應龍主席周館長約編纂名宦時體力尙強亦嘗根據舊志博證旁參補其缺而正其誤今老矣精力就衰矣復得與審訂諸委員朝考夕稽補苴罅漏暮年光陰仍致力於鄉邦文獻秉燭之明亦有差堪自信者矣志稿

既成行將付印同人屬_玉爲序迺叙述新志特點與前後編纂審訂之經過俾後之人得以考焉

中華民國三十三年秋七月呈貢秦光玉序於昆華圖書館之樸學齋

新纂雲南通志纂修職名

監修

雲南省政府主席 龍雲

雲南省政府主席 盧漢

籌備 民國二十年
二月至八月

新纂雲南通志籌備處主任 周鍾嶽

籌備員 張維翰

籌備員 陸崇仁

籌備員 龔自知

籌備員 張邦翰

籌備員 繆嘉銘

顧

問

陳价

顧

問

馬金墀

顧

問

孫光庭

顧

問

宋嘉俊

顧

問

錢用中

顧

問

秦光玉

顧

問

袁嘉穀

顧

問

由雲龍

顧

問

顧視高

顧

問

吳琨

顧

問

李增

顧

問

熊廷權

顧

問

蕭瑞麟

幹

事

方樹梅

幹

事

何秉智

庶

務

蕭俊炯

設館

第一期

民國二十年九月
至二十四年十月

新纂雲南通志館館長

周鍾嶽

副館長兼編纂

趙式銘

編纂

袁嘉穀

編纂

由雲龍

編

纂

宋嘉俊

編

纂

顧視高

編

纂

吳大琨

編

纂

金天羽

編

纂

錢用中

編

纂

秦光玉

編

纂

李根源

編

纂

熊廷權

編

纂

蕭瑞麟

編

纂

張華瀾

編

纂

張士麟

編

纂

馬 驄

編

纂

徐之琛

編

纂

張鴻翼

編

纂

華封祝

編

纂

丁兆冠

編

纂

王 楨

編

纂

金在鎔

分

纂

繆爾紆

分

纂

解永年

分

纂

方樹梅

分

纂

何秉智

分

纂

陳秉仁

分

纂

何作楫

分

纂

陳玉科

分

纂

陳洪勳

分

纂

曹恆鈞

分

纂

李毓茂

分

纂

李永清

分

纂

夏光南

助

理

編

輯

聘館

李士厚

助

理

編

輯

聘館

張鳳岐

助

理

編

輯

聘館

莊永華

助

理

論編

輯館聘

萬湘澂

繪

圖

員

孫桂

繪

圖

員

沐繼文

幹

審

事

方樹梅

幹

審

事

何秉智

校

論

對

李棻萼

校

論

對

劉淇

校

論

對

周廷鈺

事

務

員

丁澤

事

務

員

王伯敷

事

務

員

施恆

事 務 員 趙 適

事 務 員 陳 席 珍

事 務 員 沈 耀 光

第 二 期 民 國 二 十 六 年 六 月 至 二 十 七 年 十 月

新 纂 雲 南 通 志 館 館 長 周 鍾 嶽

副 館 長 趙 式 銘

編 審 員 方 樹 梅

編 審 員 何 秉 智

第 三 期 民 國 二 十 七 年 十 一 月 至 三 十 年 五 月

新 纂 雲 南 通 志 館 館 長 周 鍾 嶽

副 館 長 趙 式 銘

繼任館長 趙式銘

編審 繆爾紆

編審 方樹梅

編審 何秉智

編審 方國瑜

編審 劉楚湘

校對 覃寶珖

事務員 寇數

審訂 民國三十二年七月
至三十三年三月 委員 姜寅

新纂雲南通志審訂委員會主任委員 秦光玉

常務委員 梁之相

審 訂 委 員 張華瀾

審 訂 委 員 繆爾紆

審 訂 委 員 姜寅清

審 訂 委 員 方國瑜

審 訂 委 員 于乃義

助 理 編 輯 周均

助 理 編 輯 孫仁

助 理 編 輯 陳延

助 理 編 輯 施子愉

助 理 編 輯 張在川

校 對 張澍

校

對

郭從光

校

對

許端毅

校

對

于蘭芬

幹

事

彭才志

幹

事

周鴻炤

幹

事

馮世良

新纂雲南通志刊印紀略

卷一百六十六

新纂雲南通志刊印紀略

新纂雲南通志全部二百六十六卷分訂一百四十冊雲南省政府前主席龍公志舟開館纂修今主席盧公永衡籌款印製由編纂以迄竣工凡十有八年而其間尤以刊印工艱料鉅允稱困難溯自民國三十四年一月經省府決議印費由省企業局開支刊印由雲南印刷局（本公司成立後改組爲雲南印刷廠）負責先後領獲工料費國幣捌千萬元即已着手購料檢排嗣以幣值貶落不敷應用遂告擱置三十六年六月本公司成立董事長盧公永衡提議由公可墊撥印費印製八百部嚴促雲南印刷廠勒限竣事本公司於三十七年先後撥交該廠印製專款國幣八十四億三千五百八十二萬零九百元積極準備工料並遵本公司董事會議決案採用川連

史紙八開排印於是年三月開工全力趕印本公司並派員監製同年十月復經董事會議決承印通志應付工資改用包工制每篇以次白米價折算計食米三公斗一升每圖計食米六公石九斗以資確定工價自改行包工制後按月核發工資工作效率增加平均每日排印達五十篇惟自三十七年八月十九日政府改革幣制發行金元券後券價不斷急劇貶值半年之間米價由每公石金元券一百五十元增至六千元本公司支付款額愈鉅然以通志刊印事關全省文化仍勉力籌款繼續趕印加緊督飭本年四月後工資食米又改以滇鑄半開銀幣折算迨全書印製完竣綜計印製時間自本公司負責籌印起以至完成凡一年又五月所印正文地圖書壳銅版四項共領工資食米四千九百六十公石零一斗四升材料款共

領國幣八十四億三千五百八十二萬零九百元金圓券二十三萬五千元半開銀幣一萬一千五百元此外現據印刷廠報告尙有先後數年該廠墊付材料費員工獎金及遣散費機器折舊營業利潤等費共半開銀幣四萬八千五百三十七元當茲國事擾攘金融財政兩俱竭蹶之際本公司以發揚本省文化服務桑梓爲心不計犧牲毅然斥此鉅資刊印日夕督促卒底於成刊印既竣爰誌紀略並書督印職銜姓名於册使後之讀者有所省覽焉

中華民國三十八年十二月雲南人民企業股份有限公司謹誌

督印職銜姓名

董事長

盧漢

常務董事

繆嘉銘

楊天理

楊立德

范承樞

楊家麟

馬鈇

徐繼祖

李一平

徐繩祖

繆嘉銘

金龍章

趙澍

董事會祕書

總經理

副總經理

協理

秘書室主任

范承樞

楊青田

人事室主任

張克誠

趙康節

設計室主任

孔憲書

嚴繼光

會計室主任

李光澄

新纂雲南通志校印職名

校印

民國三十四年十二月
至三十八年七月

新纂雲南通志校印處處長

梁之相

總

校

朱昌

總

校

何鑑

分

校

鄒仲良

分

校

趙百川

分

校

吳文玲

分

校

趙宗祥

分

校

毛文魁

辦

事

員

楊震東

印 刷 局 經 理 段 雄 飛

印 刷 局 經 理 陳 賡 雅

工 業 部 主 任 李 集 呈

工 業 部 主 任 李 鏡 涵

印 刷 廠 經 理 聶 體 仁

廠 主 任 梁 景 熹

總 務 課 長 張 一 農

會 計 課 長 郎 建 侯

材 料 課 長 張 公 亮

出 納 員 張 崇 實

出 納 員 周 培 珍

事務員 黃叔安

事務員 鄭體仁

事務助理員 羅鴻發

稽查查員 王斌

會計員 彭起

會計員 張謙

會計員 李錦雲

會計助理員 王留春

會計助理員 施蓮芳

材料保管員 錢鴻濤

材料保管員 王嘉璇

工 務 助 理 員 姚家懷

工 務 助 理 員 喻添舒

鑄 字 間 領 班 崔順安

檢 排 間 領 班 張炳

鉛 印 機 間 領 班 沈開林

鉛 印 機 間 領 班 李松林

石 印 間 領 班 王肇祥

裝 釘 間 領 班 鄔生才

銅 版 間 技 師 何應濤

鑄 字 技 師 顧漢光

銅 模 保 管 員 戴兆恭

製 圖 員 吳錫福

製 圖 員 董雲波

製 圖 員 馮啓明

鑄 字 間 技 士 李世華

鑄 字 間 技 士 張振良

鑄 字 間 技 士 李興

鑄 字 間 技 士 趙繼雲

助 理 技 士 戴朝貴

檢 排 間 技 師 張麟昌

檢 排 間 技 師 徐應濤

檢 排 間 技 士 秦學田

檢 排 間 技 士 陸本義

檢 排 間 技 士 王明著

檢 排 間 技 士 楊耀廷

檢 排 間 技 士 周家聰

檢 排 間 技 士 胡景星

檢 排 間 技 士 楚耀南

檢 排 間 技 士 劉文俊

檢 排 間 技 士 栗永安

檢 排 間 技 士 余文華

檢 排 間 技 士 王正福

檢 排 間 技 士 鄭家祥

檢 排 間 技 士 萬和清

助 理 技 士 馮 勛

助 理 技 士 和茂鈞

助 理 技 士 魏嘉善

助 理 技 士 李之坤

助 理 技 士 趙元龍

鉛 印 機 間 技 士 楊 華

鉛 印 機 間 技 士 崔少華

鉛 印 機 間 技 士 靳兆龍

鉛 印 機 間 技 士 田 富

鉛 印 機 間 技 士 李正富

鉛 印 機 間 技 士 李世榮

鉛 印 機 間 技 士 許華

鉛 印 機 間 技 士 楊永林

鉛 印 機 間 技 士 尹傑

鉛 印 機 間 技 士 杜鴻昌

助 理 技 士 吳德芳

助 理 技 士 蔡天壽

石 印 機 間 技 領 班 李自富

製 版 技 士 岳振華

製 版 技 士 傅銓

製 版 技 士 馮德榮

印 刷 技 士 唐 榮

印 刷 技 士 蘇 少 卿

印 刷 技 士 楊 增 福

印 刷 技 士 楊 優 才

裝 釘 間 技 師 蔡 俊 臣

裝 釘 間 技 師 李 國 起

裝 釘 間 技 師 賀 寶 生

裝 釘 間 技 師 武 興 權

裝 釘 間 技 士 黃 華 驥

裝 釘 間 技 士 楊 子 鏡

裝 釘 間 技 士 馮 光 祖

裝 釘 間 技 士 陳鶴珍

裝 釘 間 技 士 周淑媛

裝 釘 間 技 士 任宜勤

裝 釘 間 技 士 陳鵬珍

裝 釘 間 技 士 王桂英

裝 釘 間 技 士 吳琴英

裝 釘 間 技 士 鄭思鳳

裝 釘 間 技 士 束寶芝

裝 釘 間 技 士 周鳳書

助 理 技 士 王治森

助 理 技 士 陸秀貞

新纂雲南通志凡例

雲南有志肇始於元之李京然止志略四卷明洪武十四年命儒臣纂雲南志明史藝文志著錄洪武二十九年西平侯沐英又命王景常撰雲南圖經志書景泰時陳文等增修得十卷厥後周季鳳撰正德雲南志李元陽撰雲南通志包見捷有通志草劉文徵有滇志謝肇淪有滇略遞及清代康熙二十九年總督范承勳監修雲南通志成書三十卷雍正七年總督鄂爾泰重修成書卷數與范志同道光六年總督阮元復倡修雲南通志成書二百一十六卷光緒九年總督岑毓英監修通志體例一仍阮志成書二百四十二卷光緒二十二年總督崧蕃又命唐炯重修成書二百卷迄今歷數十年未經續纂一省掌故紀載闕如自民國肇造國體更新政治典章已多變革

舊志體例未能相沿者甚多故本志分爲二編一自雲南文化初開
截至清宣統三年止參攷舊志補闕訂訛勒成一書計二百六十六
卷一自民國初元起網羅事實別具長編分別纂修以爲新志

上述元明以來各舊志惟清季各志版本完全前明止滇略一種早
年徵獲至如陳文景泰雲南圖經志書周季鳳正德雲南志李元陽
雲南通志劉文徵滇志四種不但近世未見即清季修志時亦未之
見也此次纂修新志始先後由江蘇任鳳苞借鈔李纂通志北平圖

書館借鈔景泰圖經正德雲南志

正德志原係北平圖書館影抄浙江天一閣范氏藏書

又由中央研究院

借鈔得北京大學所藏晒印本劉文徵滇志皆爲本志重要之參攷
資料文內凡引用上列各舊志於陳文景泰圖經志書簡稱景泰志
或稱圖經周季鳳正德雲南志簡稱正德志或稱周志李元陽雲南

通志簡稱萬曆志或稱李志劉文徵滇志簡稱天啓志或稱劉志范
承勳雲南通志簡稱康熙志或稱范志鄂爾泰雲南通志簡稱雍正
志或稱鄂志阮元雲南通志簡稱道光志或稱阮志岑毓英雲南通
志簡稱光緒志或稱岑志唐炯續雲南通志稿簡稱光緒續志或稱
唐志

周官外史其職久廢地方志乘肇始圖經然止略載山川封域而已
至宋周應合景定建康志分圖表誌傳四篇體例較前完備清謝啓
昆纂廣西通志分典表略錄傳五篇阮元纂廣東通志一仍其例厥
後黃彭年纂畿輔通志分記表略錄傳王軒纂山西通志分圖譜考
略記錄章學誠纂湖北通志分記圖考表略傳又別爲掌故詩文徵
兩書皆直省通志之最善者茲仿諸志之例分記圖表攷傳五篇圖

表各附以說攷中亦閒附圖表以資互証

方志紀事其源甚古後世圖經反缺略不載宋施宿會稽志有討賊平亂二篇元張用鼎金陵新志創通紀一門以具歷代因革古今大要其體最善雲南范志有沿革大事表鄂志去之阮岑唐三志闕爲戎事一門於古今大事未能包舉茲詳攷史籍用編年體紀載本省大事始唐堯元載迄周顯王二十七年爲上古代自周顯王二十八年迄宋理宗淳祐五年爲中古代自元憲宗二年以至清季爲近古

代

左圖右史義實相資舊志輿圖類皆簡略山西通志師賈耽之意分別朱墨以著地方沿革其意甚善而製圖尙未精良今世測繪之學日精製版之術亦巧茲就天文氣象作恆星圖風向圖就地理繪山

川形勢圖沿革圖清代府廳州圖現行設治區域圖廣前志所未備
並將中樞頒定之滇緬界圖照刊以正疆界餘亦分別廣搜照片隨
類插圖以啓愛鄉之思而爲攷古之助

司馬遷讀歷譜謀爰作諸表略辭紀要爲治國聞者要刪自譜表之
學失而文事遂繁子玄史通號稱閎識然謂表歷載諸史傳未見其
宜不知以表爲文其用甚廣如地理沿革府縣邊界經緯度面積以
及職官使命貢舉前志纂修題名之類數千言敍之而難明者以一
表馭之而已足茲於各圖之外分製各表以便綜覈而省繁蕪

舊志天文僅載星野祥異氣候星野之說殊難徵信以二十八宿盡
分中國前人多訾其謬故熱河志芟去之阮志仍列此門條辯雖詳
無裨曆象至祥異鄰於讖緯已爲有識所詆後世侈言符瑞尤多貢

諛茲專就星象授時之有紀載者分別列表並加以科學之說明其水汽光象旋風氣候物候等則列爲氣象攷以示天文地理之區別志紀方域故測量地望周步廣輪皆關重要今於地理就天然方面分爲地質形勢山脈江河湖澤泉潭等目就人爲方面分爲疆域津梁城池關塘官署古蹟塚墓等目均加詳攷補前志所未備至前志列風俗一日本志因長編中已有各種重要禮俗故不復述若考過去之風俗則前志具在可備覽也

滇號山國交通梗阻清中葉以前但有驛站航運故路政之興最爲急務滇越鐵路成於外人喪失主權其未成者滇邕滇蜀滇緬三路亟宜自謀建築茲將已成未成各鐵路分別詳載以資參証其他關於交通各史實凡可攷者均備載焉

雲南跨溫熱兩帶地廣山多物產豐富前志列入食貨攷察未精今專設物產一門分動物植物礦物諸日照科學分類詳加說明使人知重視天然物品利用厚生胥視乎此惟科學進步一日千里後之視今亦猶今之視昔精密攷察仍俟來哲

人文進化初有語言我國文字雖屬統一而方音互異昔爾雅有釋言揚雄有方言繼之者王長孫作河洛語音王之珂作閩音必辨所載殊語限於一隅其例甚善滇南氏族既繁土音亦雜而分歧孳乳亦具有源流茲照阮岑唐三志例仍列方言一門詳攷各族語言並附各種文字亦可覘文化之演進與社會之變遷也

舊志藝文列子目四曰紀載滇事之書曰滇人著述之書曰金石曰雜著其有關各類詩文附於各類之下體例亦頗詳晰惟當時滇人

著述著錄無多今雲南叢書搜刻略備特依四庫提要例叙明前人著書之長於阮岑諸志未收諸書詳攷補錄其非滇人著作而爲紀載滇事之書亦依前例列入至金石應專列一門雜著詩文則已有滇南詩文略滇詩嗣音集重光集拾遺滇文叢錄滇詩叢錄及諸總集別集等哀輯至豐詩文之徵與通志相輔而行故不重爲編次蓋亦同於章學誠方志三書之意也

吉金樂石或據之以証經字或援之以補史遺自宋以來斯學寔盛惟目錄家多列於藝文之末近代始有錄一省之金石爲一書者如畢氏中州金石志關中金石志是滇南金石阮志亦附於藝文於阮福滇南古金石錄外所增寥寥無幾茲專列金石一門自漢以降廣爲搜採用翁方綱兩漢金石志王昶金石萃編例詳加攷証訓釋間

有斷爛殘闕者亦照原文列入以資參考滇省石刻爲多金類較少銅鼓塔幢摩崖造象之類於史事有關者均爲補入此外如法帖滇人不乏佳製虞世瓔趙士麟周於禮方玉潤劉樹堂皆有叢帖亦殿於末以存之

滇省自古佛教最盛名山梵剎間出高僧此外道回諸教亦所在多有清季天主耶穌教徒聯袂而來各郡縣教堂林立入教者實繁有徒故於寺觀釋道外特列宗教一門惟各縣填送資料皆爲近時事蹟已彙入長編茲僅就佛教及天主教詳考其源流其他各教則以文獻徵集爲難補輯成章俟諸異日

李志有祀典羣祀二目而寺觀則別爲志范鄂兩志分目如前而寺觀附焉阮岑兩志皆於祠祀分爲三目曰典祀曰俗祀曰寺觀唐志

則曰祠祭分二目曰壇廟曰寺觀今依阮志分目仍詳參各志而備載之

前人方志或分建置經政兩門或以建置統歸經政雲南舊志於建置一門外分列食貨學校祠祀武備秩官選舉諸門而以水利屬諸建置戶口屬諸食貨標目紛糅未盡適當今治化演進政務日繁非復往昔政綱所能賅括故分軍制學制農業工業礦業商業鹽務財政幣制荒政外交諸考其不能歸入以上諸類者則以庶政考統列於前俾治具畢張靡有遺漏

阮岑兩志有武備一門列子曰三曰兵制曰戎事曰邊防茲改稱軍制將古代兵制暨綠營練軍防營團練新軍以及清季所設軍事機關之沿革詳考而備載之至舊志戎事改入大事記邊防則著邊裔

考可互証也

學制今昔不同古代學制如學宮試院學額書院義學等爲舊時人才所從出與其所以崇尚文教之典章制度皆爲詳考垂爲掌故科舉廢而學校興所有教育機關各級學校教育各種社會教育與夫本省各項特有之教育設施新舊遞嬗之際一一分別詳載之

滇省鹽礦舊爲食貨中之大端而山川阻深工商業皆未發達出口貨少入口貨多漏卮旣鉅關權金融皆受影響人民生計大爲枯癯故農工商礦鹽務財政幣制等皆宜注重紀載加詳以謀補救之策倉儲原備凶荒全省有三迤豐備倉各府廳州縣乃至一鄉一聚亦各有倉推陳出新實古代常平之良法然往往官紳侵蝕流弊無窮此外如平糶賑卹義賑工賑等亦皆須得人而理茲設荒政一門備

載各縣倉儲平糶成規及歷來救荒辦法以資考鑑期卹民善政不至成爲具文而天災流行亦可以有備無患

滇處西南極邊南界安南西界緬甸自緬越相繼淪於外人滇遂居國防上重要地位清季以來外人傳教通商遊歷交涉日繁而界務已定者損失甚鉅未定者懸案待決此皆於領土主權關係極重唐志所紀洋務初創簡略稱名亦非茲列外交一門依據中央外交部之成案本省交涉署之檔案將歷來外交得失之林勒爲專篇以作後來之鑒戒

滇省旣爲國防要衝前代邊防設施與外鄰關係亟待明瞭以資借鏡阮岑唐志有邊防圖及邊裔考尙嫌簡略茲輯邊裔考分爲邊防四裔兩門詳考而備載之

中原大姓入滇從莊躑諸葛亮李毅王遜傅友德藍玉沐英而來者甚夥而遊宦經商者不計焉又滇中土著子孫繁衍歷世綿長亦多舊族茲列族姓一門先考各族演變之大略而於歷史上最著之姓則各爲世系以詳之

土司備列正史王崧雲南道光志鈔列爲專志世官廢官分載頗詳阮志列入南蠻傳中實則滇中土司非盡土著且如麗江之木氏姚安之高氏洱源之王氏蒙化之左氏黎縣之祿氏武定之邢氏彬彬多文學之才亦有可傳者茲據王氏所志並參考各書詳載其沿革與制度焉

志傳人物每分名宦鄉賢等目惟名宦鄉賢爲昔時一方俎豆之專稱故廣西通志易名宦爲宦績而統鄉賢於列傳雲南舊志鄉賢仍

用舊稱而他省宦滇者稱名宦與循吏滇人之仕他省者則稱宦績茲參酌各志以宦滇之有功德於民者統稱名宦列之於首尊官師也次耆舊紀先達也次列傳次名賢重完人也又其次爲忠節爲孝友爲義行取太上立德之意繼之以宦績武功取其次立功之意又繼以儒林文苑取其次立言之意富庶先於教育技術關乎文化故實業藝術次之逸民係獨善之士女子有平等之權故隱逸次之列女又次之流寓來自外省僧道號稱方外故寓賢次之而以釋道終焉

地方掌故有雖非大經大法而故老傳聞足資參考者未可盡棄茲仿舊志雜志之例分輯軼事異聞兩門作爲附錄

本志自創始以迄成書歷時十餘載參與修訂校錄者凡數十人初

設籌備處其後成立通志館審訂委員會等中經數度變更頗費經營爰將先後修訂事實述編纂始末一篇附之末卷

卷帙龐大門類尤爲浩繁所收資料但就採訪所及掛漏牴牾深懼未能盡免且史學史觀日新月異後來居上理所實然多聞闕疑未敢引以自是正誤補遺以俟後之君子

新纂雲南通志總目錄

卷首

卷序

纂修職名

校印職名

凡例

卷總目

卷一 事記一

卷二 事記二

卷三 事記三

卷四 事記四

南滇風物呈圖

南滇圖

南滇圖

南滇直隸州圖

中分三

上古

中分二

中代一

卷三 記三

中古

大事記三

中古
代二

卷四 事記四

上古

大事記四

中古
代三

卷五 日記五

大事記五

近古
代一

卷六 明記六

大事記六

近古
代二

卷七 圖一

雲南所見恆星圖

蘇蒙風向圖
志
目錄

氣象要素分佈圖

山川形勢圖

鑛產分佈圖

歷代沿革圖

卷八 圖二

清代分府及直隸廳州圖

滇緬界圖

卷九 圖三

現行設治區域圖

卷十 表一

歷代建置沿革表

卷十一 表二

各府廳州縣地方面積方界經緯度表

卷十二 表三

歷代職官表一

卷十三 表四

歷代職官表二

卷十四 表五

歷代職官表三

卷十五 表六

歷代使命表

歷屆纂修通志題名表

卷十六 表七

歷代貢舉徵辟表

卷十七 考一

天文考 星象 授時

卷十八 考二

氣象考一 水汽

卷十九 考三

氣象考二 光象 旋風

卷二十 考四

氣象考三 氣候 物候

卷二十一 考五

地理考一 地質一

卷二十二 考六

方面積方界經緯度表

地理考二 地質二

卷二十三 考七

地理考三 形勢

卷二十四 考八

地理考四 山脈一

卷二十五 考九

地理考五 山脈二

卷二十六 考十

地理考六 山脈三

地名表

卷二十七 考十一

地理考七 江河

卷二十八 考十二

地理考八 湖澤 泉潭

卷二十九 考十三

地理考九 疆域一

卷三十 考十四

地理考十 疆域二

卷三十一 考十五

地理考十一 疆域三

卷三十二 考十六

地理考十二

疆域四

卷三十三 考十七

地理考十三

疆域五

卷三十四 考十八

地理考十四

疆域六

卷三十五 考十九

地理考十五

疆域七

卷三十六 考二十

地理考十六

津梁一

卷三十七 考二十一

地理考十七

津梁二

卷三十八 考二十二

地理考十八 津梁三

卷三十九 考二十三

地理考十九 津梁四

卷四十 考二十四

地理考二十 城池一

卷四十一 考二十五

地理考二十一 城池二

卷四十二 考二十六

地理考二十二 城池三

卷四十三 考二十七

地理考二十三 關塘

卷四十四 考二十八

地理考二十四 官署一

卷四十五 考二十九

地理考二十五 官署二

卷四十六 考三十

地理考二十六 官署三

卷四十七 考三十一

地理考二十七 官署四

卷四十八 考三十二

地理考二十八 古蹟一

卷四十九 考三十三

地理考二十九 古蹟二

卷五十 考三十四

地理考三十 古蹟三

卷五十一 考三十五

地理考三十一 古蹟四

卷五十二 考三十六

地理考三十二 古蹟五

卷五十三 考三十七

地理考三十三 古蹟六

卷五十四 考三十八

地理考三十四 冢墓一

卷五十五 考三十九

地理考三十五 冢墓二

卷五十六 考四十九

交通考一 驛站 省道

卷五十七 考四十一

交通考二 鐵路 航道 郵政 電報

卷五十八 考四十二

物產考一 動物一

卷五十九 考四十三

物產考二 動物二

卷六十一 考四十四

物產考三 動物三

卷六十二 考四十五

物產考四 植物一

卷六十三 考四十六

物產考五 植物二

卷六十四 考四十七

物產考六 植物三

卷六十五 考四十八

物產考七 鑛物一

卷六十六 考四十九

物產考八

鑄物二

卷六十六考五十九

方言考一

各族語之比較一

卷六十七考五十一

方言考二

各族語之比較二

卷六十八考五十二

方言考三

自文一

卷六十九考五十三

方言考四

自文二

卷七十考五十四

方言考五

藝文 藝文 麼些文 怒子古宗粟粟語

卷七十一 考五十五

藝文考一

滇人著述之書一（經部）

卷七十二 考五十六

藝文考二

滇人著述之書二（史部）

卷七十三 考五十七

藝文考三

滇人著述之書三（子部）

卷七十四 考五十八

藝文考四

滇人著述之書四（集部一）

卷七十五 考五十九

藝文考五

滇人著述之書五（集部二）

卷七十六 考六十

藝文考六

演人著述之書六（集部三）

卷七十七 考六十一

藝文考七

演人著述之書七（集部四）

卷七十八 考六十二

藝文考八

演人著述之書八（集部五）

卷七十九 考六十三

藝文考九

紀載演事之書一

卷八十 考六十四

藝文考十

紀載演事之書二

卷八十一 考六十五

金石考一

前期一

卷八十二 考六十六

金石考二 前期二

卷八十三 考六十七

金石考三 前期三

卷八十四 考六十八

金石考四 前期四

卷八十五 考六十九

金石考五 前期五

卷八十六 考七十

金石考六 中期一

卷八十七 考七十一

金石考七

中期二

卷八十八 考七十二

金石考八

中期三

卷八十九 考七十三

金石考九

中期四

卷九十 考七十四

金石考十

中期五

卷九十一 考七十五

金石考十一

中期六

卷九十二 考七十六

金石考十二

後期一

卷九十三 考七十七

金石考十三 後期二

卷九十四 考七十八

金石考十四 後期三

卷九十五 考七十九

金石考十五 後期四

卷九十六 考八十

金石考十六 後期五

卷九十七 考八十一

金石考十七 後期六

卷九十八 考八十二

金石考十八 後期七

卷九十九 考八十三

金石考十九 後期八

卷一百 考八十四

金石考二十 後期九

卷一百一 考八十五

宗教考一 佛教一

卷一百二 考八十六

宗教考二 佛教二

卷一百三 考八十七

宗教考三 佛教三

卷一百四十一 考八十八

宗教考四 佛教四

卷一百五十二 考八十九

宗教考五 佛教五

卷一百六十三 考九十

宗教考六 佛教六

卷一百七十四 考九十一

宗教考七 佛教七

卷一百八十五 考九十二

宗教考八 其他各教

卷一百九十六 考九十三

祠祀考一 典祀一

卷一百十八 考九十四

祠祀考二 典祀二

卷一百十一 考九十五

祠祀考三 典祀三

卷一百十二 考九十六

祠祀考四 俗祀一

卷一百十三 考九十七

祠祀考五 俗祀二

卷一百十四 考九十八

祠祀考六 寺觀一

卷一百十五 考九十九

祠祀考七 寺觀二

卷一百十六 考一百一

祠祀考八 寺觀三

卷一百十七 考一百一十二

祠祀考九 寺觀四

卷一百十八 考一百二十三

祠祀考十 寺觀五

卷一百十九 考一百三十四

祠祀考十一 寺觀六

卷一百二十三 考一百四十五

祠祀考十二

寺觀七

卷一百二十一 考一百五

庶政考一

全省文武官制之遞嬗一

卷一百二十二 考一百六

庶政考二

全省文武官制之遞嬗二

卷一百二十三 考一百七

庶政考三

鄉飲 孝廉方正

卷一百二十四 考一百八

庶政考四

廢襲

卷一百二十五 考一百九

庶政考五

戶籍 保甲

卷一百二十六 考一百十一

卷一百二十七 考一百十二

卷一百二十八 考一百十三

卷一百二十九 考一百十四

卷一百三十 考一百十五

卷一百三十一 考一百十六

卷一百三十二 考一百十七

卷一百三十三 考一百十八

卷一百三十四 考一百十九

卷一百三十五 考一百二十

學制考一

古代學制一

卷一百三十一 考一百十六

學制考二

古代學制二

卷一百三十三 考一百十七

學制考三

古代學制三

卷一百三十四 考一百十八

學制考四

古代學制四

卷一百三十五 考一百十九

學制考五

古代學制五

卷一百三十六 考一百二十

學制考六

古代學制六

卷一百三十七 考一百二十二

學制考七 近代學制

卷一百三十八 考一百二十二

農業考一 田制 屯墾清丈

卷一百三十九 考一百二十三

農業考二 水利一

卷一百四十 考一百二十四

農業考三 水利二

卷一百四十一 考一百二十五

農業考四 水利三

卷一百四十二 考一百二十六

工業考

卷一百四十三 考一百二十七

商業考一

市集 商場及商埠

卷一百四十四 考一百二十八

商業考二

金融 進出口貿易 商會 度量衡

卷一百四十五 考一百二十九

鑛業考一

金鑛 煤礦 銀鑛及鉛鑛 鐵鑛 銻鑛

卷一百四十六 考一百三十

鑛業考二

銅鑛 錫鑛

卷一百四十七 考一百三十一

鹽務考一

沿革

卷一百四十八 考一百三十二

鹽務考二 沿革二

卷一百四十九 考一百三十三

鹽務考三 場產 運銷 緝私

卷一百五十 考一百三十四

財政考一 歲入一

卷一百五十一 考一百三十五

財政考二 歲入二

卷一百五十二 考一百三十六

財政考三 歲入三

卷一百五十三 考一百三十七

財政考四

歲入四

卷一百五十四

考一百三十八

財政考五

歲出一

卷一百五十五

考一百三十九

財政考六

歲出二

卷一百五十六

考一百四十

財政考七

歲出三

卷一百五十七

考一百四十一

財政考八

歲出四

卷一百五十八

考一百四十二

幣制考

卷一百五十九 考一百四十三

荒政考一 倉儲

卷一百六十 考一百四十四

荒政考二 平糶

卷一百六十一 考一百四十五

荒政考三 賑卹 災疫附

卷一百六十二 考一百四十六

邊裔考一 邊防

卷一百六十三 考一百四十七

邊裔考二 四裔

卷一百六十四 考一百四十八

外交考一

外交官制 中法交涉

卷一百六十五 考一百四十九

外交考二

中英交涉一

卷一百六十六 考一百五十

外交考三

中英交涉二

卷一百六十七 考一百五十一

外交考四

中英交涉三

卷一百六十八 考一百五十二

外交考五

中英交涉四

卷一百六十九 考一百五十三

民族考一

民族之衍變

一百四十三

卷一百七十 考一百五十四

族姓考二 世系一

卷一百七十一 考一百五十五

族姓考三 世系二

卷一百七十二 考一百五十六

族姓考四 世系三

卷一百七十三 考一百五十七

土司考一 制度 沿革 廢官一

卷一百七十四 考一百五十八

土司考二 廢官二

卷一百七十五 考一百五十九

土司考三 廢官三

卷一百七十六 考一百六十

土司考四 世官一

卷一百七十七 考一百六十一

土司考五 世官二

卷一百七十八 傳一

名宦傳一

卷一百七十九 傳二

名宦傳二

卷一百八十一 傳三

名宦傳三

卷一百八十一 傳四

名宦傳四

卷一百八十二 傳五

名宦傳五

卷一百八十三 傳六

名宦傳六

卷一百八十四 傳七

名宦傳七

卷一百八十五 傳八

名宦傳八

卷一百八十六 傳九

名宦傳九

卷一百八十七 傳十

名宦傳十

卷一百八十八 傳十一

漢至元耆舊傳

卷一百八十九 傳十二

列傳一

卷一百九十 傳十三

列傳二

卷一百九十一 傳十四

列傳三

卷一百九十二 傳十五

卷列傳四

卷一百九十三 傳十六

卷列傳五

卷一百九十四 傳十七

卷列傳六

卷一百九十五 傳十八

卷列傳七

卷一百九十六 傳十九

卷列傳八

卷一百九十七 傳二十

卷列傳九

卷一百九十八 傳二十一

卷列傳十

卷一百九十九 傳二十二

卷列傳十一

卷二百六 傳二十三

卷列傳十二

卷二百一 傳二十四

卷列傳十三

卷二百二 傳二十五

卷列傳十四

卷二百三 傳二十六

名賢傳一

卷二百四 傳二十七

名賢傳二

卷二百五 傳二十八

名賢傳三

卷二百六 傳二十九

名賢傳四

卷二百七 傳三十

名賢傳五

卷二百八 傳三十一

忠節傳一

卷二百九 傳三十二

忠節傳二

卷二百十 傳三十三

忠節傳三

卷二百十一 傳三十四

忠節傳四

卷二百十二 傳三十五

忠節傳五

卷二百十三 傳三十六

忠節傳六

卷二百十四 傳三十七

忠節傳七

卷二百十五 傳三十八

忠節傳八

卷二百十六 傳三十九

孝友傳一

卷二百十七 傳四十

孝友傳二

卷二百十八 傳四十一

孝友傳三

卷二百十九 傳四十二

孝友傳四

卷二百二十 傳四十三

孝友傳五

卷二百二十一 傳四十四

孝友傳六

卷二百二十二 傳四十五

義行傳一

卷二百二十三 傳四十六

義行傳二

卷二百二十四 傳四十七

義行傳三

卷二百二十五 傳四十八

宦績傳一

卷二百二十六 傳四十九

宦績傳二

卷二百二十七 傳五十

宦績傳三

卷二百二十八 傳五十一

宦績傳四

卷二百二十九 傳五十二

宦績傳五

卷二百三十 傳五十三

武功傳

卷二百三十一 傳五十四

儒林傳

卷二百三十二 傳五十五

文苑傳一

卷二百三十三 傳五十六

文苑傳二

卷二百三十四 傳五十七

文苑傳三

卷二百三十五 傳五十八

實業傳

卷二百三十六 傳五十九

卷二百三十六 傳五十九

藝術傳一六 六十六

卷二百三十七 傳六十一

藝術傳二五 六十八

卷二百三十八 傳六十二

隱逸傳十四 六十五

卷二百三十九 傳六十二

列女傳一三 六十六

卷二百四十一 傳六十三

列女傳二二 六十五

卷二百四十二 傳六十四

卷列女傳三

卷六十四

卷二百四十二 傳六十五

卷列女傳四

卷六十三

卷二百四十三 傳六十六

卷列女傳五

卷六十二

卷二百四十四 傳六十七

卷列女傳六

卷六十一

卷二百四十五 傳六十八

卷列女傳七

卷六十

卷二百四十六 傳六十九

卷列女傳八

卷五十六

卷二百四十七 傳七十一

列女傳九

卷二百四十八 傳七十二

列女傳十

卷二百四十九 傳七十三

列女傳十一

卷二百五十六 傳七十三

列女傳十二

卷二百五十一 傳七十四

列女傳十三

卷二百五十二 傳七十五

列女傳十四

卷二百五十三

傳七十六

列女傳十五

卷二百五十四

傳七十七

列女傳十六

卷二百五十五

傳七十八

列女傳十七

卷二百五十六

傳七十九

列女傳十八

卷二百五十七

傳八十九

寓賢傳一

卷二百五十八 傳八十一

寓賢傳二

卷二百五十九 傳八十二

釋道傳一

卷二百六十 傳八十三

卷釋道傳二六 附錄四

卷二百六十一 傳八十四

卷釋道傳三五 附錄三

卷二百六十二 傳八十五

卷釋道傳四四 附錄二

卷二百六十三 附錄一

卷一 軼事 六十四 附錄一

卷二百六十四 附錄二

卷異聞一 六十五 附錄三

卷二百六十五 附錄三

卷異聞二 六十六 附錄四

卷二百六十六 附錄四

卷編纂始末 七 附錄五

校印始末 六 附錄六

跋 二百五十八 附錄七

卷寓寶 七 附錄八

新纂雲南通志總目終 八十一

新纂雲南通志卷一目錄

大事記一

上古代

始唐堯元載甲辰迄周顯王二十九年辛巳

卷一百六十四 附錄二

卷一百六十五 附錄三

卷一百六十六 附錄四

卷一百六十七 附錄五

卷一百六十八 附錄六

卷一百六十九 附錄七

卷一百七十 附錄八

建古介 開王二十九年辛巳
前漢書元龜甲列五國

大事記一

蘇州府志卷一 目錄

新纂雲南通志卷一

大事記一

滇山國也以自然之演變言在上古時代其間容有江河湖泊與巘
岈嵒萃之高陵峻阪相摩相盪無所歸宿其後山爲水齧砮然成谷
水勢乃趨赴衆壑下注於海重以火山震裂亦適爲河流之先導至
是而山與水之界始分今之昆明陞山鱗崖與太華鱗崖極相似說
者謂古或相連後因地震陷斷其滇池之廣古當至陞山麓及螺山
之麓其說似可信即大理上下二百里間古時皆爲澤國厥後洱海
水破峽而出人乃擇平土而居此則稽之往志宜信而有徵至人類
原始遠古皆荒遯難稽若以地質及人類學之推證猶待來哲總之
滇之爲滇有成於天然力者有成於人爲力者天然之變旣如上述

人力之變則如元代治六河開海口史元明疏金江航行馬湖清代填

翠海之半滇雲歷年傳 雲南府志其顯焉者也故記滇中大事其自有文字以後言

人人殊與其責實無寧從闕故茲編所錄自唐堯後始紀年云人

上古代言大野土千二百里國古和晉益蜀國漢書

始唐堯元載甲辰訖周顯王二十九年辛巳凡二千零一十

八年即公歷紀元前三五七至三四〇年今之昆明則山麓與大華

申命羲叔宅南交虞書主外禱重以火山雲變木戲為河

墨子云古者堯治天下南撫交趾北降幽都節用篇為木

韓非子云堯有天下其地南至交趾十過篇其間谷

伏生云堯南撫交趾水經葉榆水注引伏生尚書大傳又通鑑前編引尚書大傳中視大交

淮南子云堯南道交趾修務篇

鄭氏玄曰南交稱大交書曰宅南交也書大傳注

司馬氏貞曰南方地有名交阯者或古文略舉一字名地南交則

是交阯無疑也史記索隱

宋氏祁曰南詔東南屬交阯唐書

案唐堯之世命羲和四人宅四方皆邊遠地南交濱于南海故申命羲叔宅之墨韓淮南之言皆本此南交交阯特異文耳滇在交阯內封域較近小司馬謂南交是交阯不疑也夫交阯爲堯封不疑則交阯內之滇更何疑乎

又案淮南子主術篇昔者神農氏之治天下其地南至交阯今引堯不引神農以孔子刪書斷自唐虞史祖書志祖史故耳師氏範引神農地過日月之表今不復引史記顓頊之地南至于

交趾通鑑前編顓頊建九州統領萬國南撫交趾夫神農時之
交趾今且不引况顓頊時之交趾乎師氏又引黃帝子昌意降
居若水注若水即今金沙江滇案蓋本于酈道元水經注王氏崧
云滇之故實現于古籍者史記五帝本紀黃帝子昌意云云記
述雖若可徵然書闕有間未能確然無疑雲南備
徵志一今不引神農顓
頊亦王氏不引黃帝之意云

虞舜以天德嗣堯朔方幽都來服南撫交趾出入日月莫不率俾大戴
記少

篇問

司馬氏遷曰四海咸戴帝舜之功曰南撫交趾史記

案虞撫交趾與唐時同知虞時之滇與唐時之滇一也

華陽黑水惟梁州夏書

導黑水至于三危入于南海

夏書

李氏兆洛曰雍州黑水水經注云出張掖雞山南至燉煌過三危

山南流入南海蓋即梁州黑水之上游今不知其處

地理韻編

師氏範曰黑水即大金沙江

演繁典故一

案禹貢言黑水者三言三危者二或以雍梁之黑水有三然則

兗豫雍三言河揚徐兩言淮揚徐青三言海豈有三河二淮三

海乎由是推之雍黑水梁黑水決爲一水導黑水亦決爲一水

張機以南金沙江當之是也師氏所指大金沙即張氏所指南

金沙今名伊洛瓦底江經西藏緬甸而入海雍界其上源梁界

其下流上流有三危故雍州有三危既宅與至于三危合下流

暢行無阻禹貢渾言之曰入于南海李氏之說最爲善悟特未

如師氏徵實耳疑之者謂雍梁之域未必遼遠如此安知古代
雄圖山水表界豈規規于遠近大小哉且揚域不十倍于堯徐
乎而無如荒遠之跡歲久易湮屈原云黑水元趾三危安在問天
班固云滇池北有黑水祠地理志楚人質疑漢人望祀俱不知黑水
所在師氏又曰自漢以後坐井談天愈考辨愈支離可發一嘆

滇今考定夏書黑水爲今之伊洛瓦底江

江在緬境明代緬列三宣六慰之一固中國境也薛氏福成與英立約此江惟中英可以

行船詳見庸齋文集滇在梁州境內礪然無疑

又案滇繫事略禹生石紐注石紐即今麗江之石鼓夫石紐之
說殆本于沈約宋書符璽志酈善長水經注水洙無論妣氏之生與滇
無涉沈酈生周漢後何據而有此說耶即曰有據而石紐何涉

于石鼓今不取

湯問伊尹曰諸侯來獻或無牛馬之所生而獻遠方之物其為四方
獻令伊尹受命為四方令曰正南甌鄧桂國損子產里百濮九菌請
令以珠璣瑋瑁象齒文犀翠羽菌鶴矩狗為獻

逸周書
王會解

孔氏晁曰百濮南蠻別名

逸周書注

杜氏預曰建寧郡南有濮夷濮夷無君長各以夷落自聚故稱百

濮又曰雲南郡多夷濮

左傳
釋例

常氏璩曰南中在昔夷越之地滇濮句町

南中志

王氏應麟曰郡國志越雋今無縣華陽國志曰故濮人是左氏傳

巴濮吾南土劉伯莊曰濮在楚西南鄭語楚蚡冒始啟濮永昌郡

傳曰雲南郡多夷濮

逸周書
補注

董氏難曰濮人即今順寧蒲蠻

白濮
考

倪氏蛻曰產里今車里亦名徹里夷音無正字百濮今蒲蠻類之

多曰百猶百粵百蠻也

滇雲歷年傳

師氏範曰濮今順寧矩狗志作短狗非

滇繫事略

王氏崧曰產里即今車里宣慰司百濮即今順寧府

雲南備徵志一

案殷都在黃河流域凡江淮流域皆南也謂產里即車里近是

謂濮為建寧郡雲南郡順寧郡永昌郡則非夫南方之大渾言

其地則曰濮渾言其種則曰蠻夏殷之世化洽東北至于南方

尚未見文字流行我國舊習除本國外皆謂之夷夷平也尚非

惡名史漢西南夷列傳得其平矣若羌狄閩蜀之類特造字以

紀之不以人種相待三百里蠻見禹貢南方曰蠻見王制南辟

之民曰蠻見大戴記說文蠻它種也與蜀為蛇種閩為虫種同

譏可知南人名蠻乃蛇種之名變為人種之名也乃中州人名

之非南人自名之也南人本非一種南齊書夷貊傳蠻之種類繁多言語不一曰蠻夷今文堯典曰八

蠻偽古文旅葵周禮魯語禮記王制白虎通禮樂曰六蠻晉書四夷傳序爾雅釋地曰九蠻史記正義引後漢書冉駝傳今傳作九氏曰百蠻劉歆議百蠻率服東都賦外綏

百蠻後漢書百蠻蓋居漢紀百蠻是攘曰羣蠻左文十年傳曰蠻荆詩蠻爾蠻荆曰蠻方詩用別蠻方曰蠻畿周禮大司馬曰蠻

服周禮方曰南蠻馱舌之人孟子三子夫以兩湖近中州猶名以蠻况滇乎

宋書夷貊傳豫州蠻西陽蠻五水蠻北接淮汝蓋在光山信陽間說文濮水出東郡濮陽南入鉅野本非南方

國名曰濮沿爾雅南至於濮沿曰庸濮書牧誓孔傳曰百濮逸周書左文十六年傳左思蜀都賦百濮所充曰濮獠曰滇

濮曰濮夷曰髀濮俱華陽國志曰巴濮左傳巴濮吾南土曰濮南夷左昭十九年杜注曰閩濮曰

濮民曰叟濮蜀志李恢傳曰夷濮曰尾濮俱左傳釋例曰木棉濮曰文面濮曰赤

口濮曰黑焚濮郭義恭廣志並見釋例引杜佑通典同惟多折腰一種曰諸濮通典曰三濮唐書倪氏說曰百

濮言其多非一跡之可循一隅之足指故謂之百今百粵既合

浙閩兩廣而并稱之按交州亦并稱越則濮亦合楚蜀黔滇而以百名想復

同之耳又曰董難百濮考以會孟津者為確是順寧之蒲蠻非

也竊謂百粵百濮百蠻其為地也無不廣袤數千里豈一隅一

跡之所能概哉歷年傳一倪氏之說本杜預而推闡之可謂卓矣第古

人著書名從主人蠻濮雖無主名而未嘗無方音方音之義流

變至繁說文蠻从虫緣聲莫還切明母寒韻濮从水僕聲蒲木切並母屋韻實即同聲假

借蠻音屬明母濮音屬並母皆重唇而清濁小別耳既曰百濮

其種必多故由蠻之雙聲轉則為髻周書為靡史漢為莫延為旄牛

後漢書華陽國志為孟如孟孝琚孟獲等為蒙為茫為昆彌為徒莫為麻州為泃河蠻唐書

為麼彌為莫彌俱元史為莽明史為木為苗為麻蠻書鄆道元水經汝水注蠻氏城俗以為麻解城素蠻麻讀聲近皆明

母字由孟蒙之疊韻轉則為邛漢史為勃北史為封後漢書元史為儂宋史文獻通考為

獮史元為甕漢為獮為猛明史皆東冬鍾部字由濮之雙聲轉為蒲滂

母字轉為焚並母字曰卜曰滇僕華陽國志曰槃木後漢書曰白曰薄曰八

百曰撲曰麥曰獮刺曰普曰白子曰拜曰驃曰縹曰擺夷曰白

兒子曰比蘇曰巴兀姑曰巴曰普里曰僕獮俱元史皆濮蒲焚正轉

旁轉字也蠻濮之名本為譯音取字不同而音則一亦如譯佛

經譯西籍之人名地名各有歧出而已數千里之地數千里之

人越數千年而至今湘粵黔滇尚有夷人多種俗不一名不一

而莫非中國之域中國之民泱泱乎大風也哉而孰得輕視之

也誠如是也是殷時令獻之百濮非一地非一族而滇在百濮

之中三千年上即為成湯之所令伊尹之所稱蓋非飾詞矣

周室既寧八方會同各以職來獻卜人以丹砂逸周書王會解

鄭氏玄曰卜當為僕聲之誤也

禮記檀弓注
人師扶右注

孔氏晁曰卜人西南之蠻丹砂所出

逸周書注

杜氏佑曰濮人即卜人也

通

劉氏昫曰三濮者在雲南徼外

舊唐書
南蠻傳

太平御覽卜人蓋今之濮人

七百九十一卷

王氏應麟曰南夷志黑齒蠻在永昌關南以漆漆其齒見人以此

為飾寢時則去之

逸周書
補注

章氏潢曰滇周之百濮

圖書

倪氏蛻曰卜人即濮人又曰商周時滇雲為貢獻之國可知矣

歷年傳一

阮志云三代時惟有濮稱後乃分滇夜郎昆明等名

南蠻志
一之一

案古字簡古音同卜濮僕通用

王朝至于商郊牧野乃誓曰逖矣西土之人及庸蜀羌髳微盧彭濮

人誓書敕

孔氏安國曰濮在江漢之南傳偽孔

案滇志以髳為牟即今牟定以濮為蒲即今順寧夫滇必列于髳濮而髳濮不必限于滇矧一二縣之人安能與于伐紂之師哉竊意髳即蠻之轉音濮彭亦然勿專指一地可也

成王之時有越裳氏重九譯而至獻白雉於周公道路悠遠山川幽深恐使人之未達也故重譯而來周公曰吾何以見賜也譯曰吾受命國之黃髮曰久矣天之不迅風疾雨也海不波溢也三年於茲矣意者中國殆有聖人盍往朝之於是來也韓詩外傳卷五

崔氏豹曰指南車舊說周公所作也周公治致太平越裳氏重譯

來貢白雉一黑雉二象牙一使者迷其歸路周公錫以文錦二疋
駟車五乘皆爲司南之制使越裳氏載之以南緣扶南林邑海際
暮年而至其國使大夫宴將送至國而還亦乘司南而背其所指
亦暮年而還至始制車轄轄皆以鐵還至鐵亦銷盡以屬巾車氏
收而載之常爲先導示服遠人而正四方古今注卷上
案越裳即今越南明永樂五年設安南行省車里因指南車而
名明設宣慰今爲版納且改縣在九龍江下游王莽假託周公
亦嘗諷益州令塞外蠻夷獻雉因莽之僞愈知車里之眞

蚡冒始啟濮國語鄭語

叔熊逃難於濮而蠻國語鄭語

楚大饑糜人率百濮聚于選將伐楚於是申息之北門不啟楚人謀

徙於版高蔦賈曰不可我能往寇亦能往不如伐庸夫糜與百濮謂我饑不能師故伐我也若我出師必懼而歸百濮離居將各走其邑

誰暇謀人乃出師旬有五日百濮乃罷

左文十六年傳

王使詹桓伯辭于晉曰巴濮楚鄧吾南土也

左昭九年傳

為舟師以伐濮

左昭十九年傳

劉氏淵林曰濮夷也

文選蜀郡賦注

孔氏穎達曰建寧郡南有濮夷各走其邑是無君長統之

正義正

案蚡冒啟濮是楚之服濮也在春秋前糜人率百濮聚于選將

伐楚是濮之不服楚也在春秋時夫楚也滇也在周初及周中

葉關係如此其鉅况書缺有間必有不正于此者於是知戰國

之時莊躡率勞浸靡莫諸同姓以入滇蓋有由矣

又案全球古史首重地質學之助顧地質所推測史蹟雖確而年代猶未確也是爲全球上古史中國史學自來偏重文字顧盤古之說創於吳徐整三皇之說創於秦博士殆無足取易言伏羲不詳其年代史記紀黃帝始定五千年史蹟唐堯授時書經托始是爲中國上古史至於滇土則尤難言山川人物渾渾噩噩今人所推測雖春秋時猶屬想像是爲雲南上古史疑以傳疑以俟君子

新纂雲南通志卷二目錄

大事記二

中古代

第一期

始周顯王三十年壬午迄
漢武帝建元五年乙巳

第二期

始漢武帝建元六年丙午迄
漢獻帝建安十九年甲午

又據金瓶古史百重地寶學之助地寶所推測史蹟疑難而
年表物末補遺是為全球上古史中國史學自來編重文字圖
壁古之說創於吳徐整三皇之說創於秦博士殆無足取易言
伏羲不詳其年代史記紀黃帝始定五千年史蹟唐堯虞時書
經托始是為中國上古史至於漢士則尤難言山川人物渾渾
渾渾今人所推測雖春秋時術屬想像是為雲南上古史疑以

卷二 漢書卷之十 丙子
漢書卷之十 丙子

卷一 漢書卷之十 丙子
漢書卷之十 丙子

中外

大率編二

漢書卷之十 丙子

新纂雲南通志卷二

大事記二

中古代第一期

中古代凡八期一滇立國二置郡縣三設庠降都督四改甯

州五爨六蒙七鄭趙楊八段茲先紀第一期始周顯王三十

年壬午訖漢武帝建元五年乙巳共二百零四年即公歷紀元前三三九年至一三六年

楚威王時使將軍莊躡將兵循江上略巴蜀黔中以西躡至滇池池

方三百里旁平地肥饒數千里以兵威定屬楚欲歸報會秦擊奪楚

巴黔中郡道不通因還以其衆王滇變服從其俗以長之史記西南夷傳

沈氏約曰建寧太守漢益州郡滇王國宋書州郡志

倪氏蛻曰此爲西南稱滇之始歷年傳一

案楚都郢即今荊州由荊循江而巴蜀而黔中以西當由今宜
昌重慶入牂牁境即楸船于岸而步戰當由今遵義至滇池左
傳云巴濮吾南土躡由巴而濮雖創實因史記之言甚明夫躡
之南來蓋因蚡冒啟濮聲教遠隔耀兵臨之不幸而歸報道阻
因以其衆王滇荀子議兵篇呂覽介立篇韓詩外傳四皆言莊
躡起而楚分爲三因其不歸而爲之辭濮本楚南土躡爲秦隔
若割據然實則躡非分楚者不克見諒于國人也史公南略叩
笱昆明親得于滇蜀間乃著之史記一洗荀子諸說眞知躡者

哉

商君書弱民篇言莊躡事乃後人習商君學者有增入史記禮書亦言躡分楚乃褚少孫補非矛盾也

又案莊躡王滇古多傳誤一曰人誤司馬貞史記索隱謂莊王
弟爲盜者夫莊王時有一莊躡據韓非喻老篇信然莊王弟躡

展禽弟跖呂覽跖與企足得餘取捷

高誘注企足跖也

賈生賦謂跖躡廉跖

躡同在春秋時何與于戰國時人且何解于史記故楚莊王苗

裔云云乎困學紀聞判爲二人同名是也二曰姓誤後漢書古

今人表作嚴躡殆班固避明帝諱而改之三日名誤淮南主術

訓作莊蕎范書夜郎傳作莊豪文選丘遲與陳伯之書李注作

莊縞皆傳寫誤演雲歷年傳以豪爲躡裔尤爲臆測縞也蕎也

豪也皆躡之音轉也張澍曰躡即豪古音相通字亦相借鄭樵

通志馬貴與通考力主莊豪曰范書可信然范書演王傳亦作

莊躡主范書者又何說乎四曰時誤史公以爲威王時班書常

志酈注同獨范書謂爲頃襄王時考荀子議兵篇躡與唐昧並

稱韓詩外傳四躡與唐蔑並舉昧即蔑也秦殺唐昧在楚懷王

二十八年知躡在威懷時無疑威七年東滅越兵有餘力入滇
宜也頃襄時楚挫于秦尙有何力入滇耶古今人表列唐蔑嚴
躡於威王下亦一證也乃通典通志通考專據楚奪黔中道塞
不通一語疑威時入滇之躡必不待五十二年而始返雲南府
志同張澍說同豈知秦人阻道或一次以至數次秦本紀武王
元年殺蜀相壯昭襄六年司馬錯定蜀皆有奪巴黔之理矧白
起穰侯之徒既能欺商於勝垂沙取重丘取八城寧不能奪阻
巴黔乎書缺有間不能執一語而謂頃襄時有阻威懷時無阻
五曰路誤遷史曰循江上班書同之范書獨以爲沅水夫由郢
入江入巴蜀黔中以至滇易事耳何必先渡洞庭然後入沅以
至滇耶况沅水上游僅至今鎮遠施秉而止安能至今遵義以

上之境而核船以待耶六曰國治誤躡至滇池意必傍池立國
觀漢武帝時躡裔常羌以其國降置益州郡附郭即為滇池縣
可知治在今晉寧乃元史謂躡王休臘為今河西括地志謂躡
所王在郎州為今滇黔界記古滇說謂躡徙白崖浪穹為今迤
西是何也總之史公去莊躡未遠又親至西南夷境必可傳信
後儒紛紛何足重哉

又案文選相如上林賦文穎注顛益州顛縣其人能作西南夷

歌顛與滇同

漢書相如傳注
作顛即滇也

是益州滇池縣古有作顛縣者爾雅釋言

顛頂也

廣雅釋
言同

禮記玉藻釋文顛本作巔素問脉解注頂上曰巔

說文天顛也至高無上天顛巔滇皆至高之意顛王即天王也

諺曰一日上一
丈雲南在天

說文滇益州地從水眞聲此必莊躡之後濮初名顛因

有天池乃造滇字故古經無此字而除此地名之外人亦罕用

之漢書禮樂志泛泛滇滇從高游應邵注滇滇盛貌晉灼注滇音閩振旅閩說文閩盛貌詩振旅閩閩文選魏都賦作振旅鞬鞬說文口部作振旅

滇噴廣雅釋訓閩盛也顏師古漢書注滇音顛鄭玄玉藻注顛讀為閩聲之誤也後漢永平馬武徙滇吾餘種七千餘口于

三輔延熹中段熲為并州刺史有滇那諸種羌入寇旋詣熲降

左思吳都賦滇澠淼漫前者言旂盛後者言水盛中二者乃他

種族之名而已今俱罕傳傳者惟吾滇爾

又案史記言滇池三百里樂史太平寰宇記同有小於史記所

言者後漢書滇王傳周回二百餘里譙周異物志二百餘里常

據南中志二百餘里後漢志劉昭注引為二百五十里有大于

史記所言者水經溫水注三百里許太平寰宇記引郡國志五

百里元史張立道傳池在金馬碧雞之間環五百餘里地理志

五百餘里明史地理志五百里要之約言耳

又案躡所定地數千里自古未聞其地界以今揆之殆有全滇而缺西部永昌南部普洱諸地約計二千餘里又加以蜀西部之寧遠雅州黔北部之遵義西南部之興義諸地約計又二千餘里故史記渾言數千里

又案躡之來滇必因威王兵強東滅越乃南取滇滅越在威六年則取滇當在七年後但史記僅言威王時始從陳宏謀甲子紀元以威王元年計之

分侯支黨

南中志

常氏璩曰周之季世楚威王遣將軍莊躡泝沅水出且蘭以伐夜郎植牂牁繫舡是且蘭既尅夜郎又降而秦奪楚黔中地無路得

反遂留王滇池躡楚莊王苗裔也以牂牁繫舡因名且蘭爲牂牁

國分侯支黨傳數百年

南中志

案常璩此文詳于遷史惟沅水當作江水所謂名且蘭爲牂牁國分侯支黨可知躡自王滇而且蘭夜郎爲躡支黨爲躡分封牂牁且爲躡命名治理井井胥可想見史漢謂西南夷君長以什數夜郎最大其西靡莫之屬以什數滇最大蓋無一非躡屬也

又案徐昂發詩集有黔中詠感莊躡之已事詠躡爲囂佗師可信黔地有屬躡者古今胥同

其旁東北有勞浸

漢書作深

靡莫皆同姓相扶

史記

張氏守節曰靡莫在姚州北去京西南四千九百三十五里

史記正義

伯氏麟曰甘人靡莫別種東川府有之

國說

阮氏元曰在昭通鎮雄一帶

阮志

案躡將兵以王滇必非孤立之國勞浸靡莫既屬同姓必萃姓
谷之宗族隨躡南來無疑也相扶云者史公本指漢時而言然其
始來也躡率之其始封也躡分封之下之事上唯命是聽休戚
與共比于周親豈至漢而始相扶哉

又案變服從俗躡之治民重在順民情分侯支黨躡之治官重
在共勳名同姓相扶躡之治邊重在聯與國雲南府志云明正
德議祀躡演繫藝文有宋土璋祀莊躡議惜未能見及此近修
省城平正街報功祠以躡居首允矣夫

各立君長其人皆離結左社邑聚而居能耕田

後漢書

案史記言西南民俗分爲三一雖結耕田有邑聚括滇東北部及川黔邊而言一編髮隨畜遷徙無常處毋君長括滇西部及藏邊而言一土著或移徙括滇西邊川陝甘藏青海而言後漢書蓋本之夫古滇之種族耕牧邑聚皆大事也不可不記記之則惟正史確故探史文而推言之以後仿此抑聞之麗江永北一帶風俗皆與青海甘肅同爲一類是可信史漢後漢合滇黔川陝甘藏青海各邊爲西南夷傳之意也

俗好鬼巫多禁忌

漢書

案漢書載牂牁郡俗好鬼巫通典載俗好巫鬼禁忌而南中志亦言其俗徵巫鬼好詛盟投石結草營常以盟詛要之此當爲滇俗之舊滇本有初民土俗楚兵南集加以天問呵壁九歌祀

鬼諸神話宜如漢書所云也特附諸開漢之後

備覽○躡使部將小卜收滇西諸蠻

滇考

案史記言將兵言兵威知其兵之多即知其將之多小卜殆其一也惟古書不載僅見馮甦滇考甦淺人耳生於清初其書豈足徵信者特滇西一帶今尙有小卜廟民間流傳甚久故列之於備覽若倪蛻歷年傳竟專引滇考爲證使之與史記並列甦非也蛻亦非也

又案不可信而信之無碍者列備覽有碍者列存疑姑仿崔述發凡於此

備覽○躡崇信佛教

宋張道宗記古滇說一

張氏道宗曰周宣王時天竺摩那提國阿育王生三子追驪至滇

留屯不回阿育王遣舅氏神明以兵迎之爲哀牢所阻遂歸滇死而爲神阿育王三子並神明爲四其甥舅之餘衆與莊躡兵同諸夷雜處爲滇王崇信佛教不忍殺生

記古滇說

案滇之佛化當自迦葉入雞足山始李氏元陽之文錢氏邦芭之志可覆按也滇有文字之佛教在漢明帝後漸由中夏而西傳不立文字之佛化在佛滅度後早由印度而東播近人据張氏說以爲躡信佛教理不相悖故採之

備覽○九隆死世世相繼

後漢書哀牢夷傳

常氏璩曰永昌古哀牢國先有婦沙壺生十子九兄推弟九隆爲王世世相繼分置小王往往邑居散在溪谷絕域荒外山川阻深

生民以來未嘗通中國

南中志

哀牢傳曰九隆代代相傳名號不可得而數至於禁高乃可記知

禁高死子吸代吸死子建非代建非死子哀牢代哀牢死子桑藕

代桑藕死子柳承代柳承死子柳貌代柳貌死子扈栗代

後漢書注引

案范曄後漢書西南夷傳夜郎邛都哀牢夷皆溯原于上古神

話今僅就哀牢推之哀牢傳有沙壺九隆即本常璩有十代之

名即本楊終其第九代柳貌當漢明帝永平十二年內屬逆溯

其先八代約二百四十年

說文三十二年為一世

可知禁高生周秦之際高之前則世代不可記知也楊終者蜀人也生東漢初親見哀牢改郡

作哀牢夷傳上於朝事詳王充論蓋衡文雄也至東晉而常璩

本之以作志至劉宋而范曄採之以作史

章帝以後乃范所增

引之以作注賢又曰自此以上並見風俗通

今本風俗通殘闕無此文

漢末應劭作所謂九隆兄弟漸滋長其母烏語謂背爲九謂坐
爲隆極爲奇誕亦當本之楊終南中志諸葛亮爲哀牢國譜今
雖不存疑有十代九隆之文駱賓王檄云木化九隆是唐初人
直以爲信史矣曄又云生人以來未嘗交通中國考莊氏王滇
實缺今日之西部而西部史事昭昭如此烏可忽諸

存疑

○昆彌國傳世無考莊隨據滇併有其地

胡蔚本南
詔野史

案昆彌即昆明昆明見史漢漢武使王然于等十餘輩道出西
夷西指求身毒國至滇滇王嘗羌仍留爲求道四歲餘皆閉昆
明莫能通身毒國夫頭蘭閉滇道漢能誅之昆明閉身毒道漢
終不能通之是昆明爲今大理麗江一帶之強夷可知已昆明
有池即今洱海

全應
望記

漢武象之鑿池長安以習戰躡裔嘗羌爲漢

求道昆明閉之是昆明未嘗屬蹠又可知已閉道雖在漢時而
泱泱大國必立基于周秦之際野史謂蹠時有昆彌國非盡無
稽特史漢言夷不當言國更不可謂蹠併有其地耳野史又云
昆彌一名拜國前有鄩闡國白崖國則全與史漢相戾若此之
類本無庸疑既無疑何必存以後仿此

秦滅諸侯惟楚苗裔尚有滇王

史記

范氏曄曰滇王者莊蹠之後也

後漢書

宋氏祁曰自夜郎滇池以西皆莊蹠之裔又曰自滾稽以下古滇

王哀率種

新唐書

樂氏史曰自夜郎滇池以西皆莊蹠餘種

太平寰宇記

案蹠之治滇內安外攘傳世之後不入暴秦史公曰楚之先有

天祿信哉乃元明間人竟傳有莊氏絕嗣之說豈史記南中志諸篇爲虛語乎詳辨見後

秦時常頰略通五尺道

記史

案史記不言通道之年以下文十餘歲秦滅推之當在始皇二十一年至二十九年之間

置吏

記史

案史記司馬相如傳云天子問相如相如曰邛笮駝者近蜀道亦易通秦時嘗爲郡縣至漢興而罷考邛笮冉駝皆在滇之北邛笮冉駝置吏或亦侵入滇之北鄙但莊氏與勞浸靡莫之屬同姓相扶而固守秦亦不注重西南未嘗深入故相安耳倪氏說釋頗爲差多差多言有無不一是也謂曲靖或亦置吏爲西

南郡縣之始則承括地志五尺道在郢州之說證之相如所言
未必可信

漢興皆棄此國而開蜀故徼或竊出商賈取其筏馬楚僮髦牛以此

巴蜀殷富史記

案西漢之初滇境自守亦因漢棄諸此國史文甚明國界既不
相爭惟民間自相來往蜀人入滇滇人亦入蜀貨殖傳云卓氏
籌算賈滇商民富至僮奴八百人蓋人類之交通廣矣馬曰筏

僮曰楚蓋猶顛歌

上林賦

旄牛

常劄髦牛

楚婢

索隱引服虔曰舊京師有楚婢

顛馬

如瀉注滇音顛顛馬出其國

濮竹

後漢書哀

牟演盾

劉熙釋名釋兵隆者曰演盾本出於蜀街演所持也或曰光盾言出於光也

之類可以覘漢初滇中人類物類工

業商業之大凡矣

中古代第二期

始漢武建元六年丙午至獻帝建安十九年甲午共三百四

十九年

即公曆紀元前一三
五年至後二一四年

建元六年開犍爲郡

後漢地理志

案犍爲郡有滇地故引爲雲南郡縣之始

又案漢武開郡李賢謂雖有官吏仍以其君長爲侯王使主其種類詳見後漢書注李元陽通志云守令治其人酋長世其官不相凌奪又云酋長安其封漢夷如左右手顧炎武肇域志云晉宋齊梁陳隋皆以守令治其人酋長世其官斯乃古滇真相

鑄堂琅洗

堂琅今東川

岑志

案今傳堂琅漢洗鑄文琅或作狼古通用也篆文古雅確爲西漢之物當日南中文化可見一斑堂琅漢屬犍爲鑄洗當在開郡後故列此

元光六年南夷始置郵亭

史記集解引徐廣注

元鼎六年開越嶲郡牂牁郡

漢地理志

案續漢書郡國志犍爲郡南安注益州郡有道廣四五丈深或百丈塹鑿之跡今存昔唐蒙所造水經注漢武帝感相如之言使縣令南通犍道費功無成唐蒙南入斬之乃鑿石開閣以通南中迄於建寧二千餘里山道廣丈餘深三四丈其鑿鑿之迹猶存可見益州越嶲諸郡之開唐蒙功多而司馬相如司馬遷以大文章家南來開滇尤爲山川之光矣

使王然于以破越及誅南夷兵威風諭滇王入朝

史記西南夷傳

案滇王名嘗羌

徐廣曰嘗一作賞通鑑作當李志同

莊躡之裔史記甚明後漢書西南夷

傳曰滇王者莊躡之後也

滇王衆數萬人

史記

案史記滇王與漢使者言曰漢孰與我大及夜郎侯亦然以道不通故自以爲一州王不知漢廣大夫夜郎自大千古笑柄滇乃不聞笑之者蓋滇地數千里遜於漢而實勝於夜郎故史記云使者還因盛言滇大國足事親附雖漢使亦證其爲大國也衆數萬人亦雄矣哉

元封元年郎中司馬遷奉使西征巴蜀南略邛笮昆明還報命

史記自序

案史遷南略李元陽通志云史不言何年當爲元封元年今從

之

二年發巴蜀兵擊滅勞浸靡莫史記西南夷列傳

案勞浸靡莫皆滇王同姓相扶夫躡為楚莊苗裔知諸國亦楚貴族也從躡來且受躡命阮志謂在今鎮雄等地蓋滇之屏蔽漢兵由蜀入滇必先滅之理也勢也

開益州郡漢地理志

案郡二十四縣中有名雲南縣者雲南二字始此李志去元狩間彩雲見南中雲南名始此野史亦有

此說因野史不如李志之可貴故舍彼取此

史記上使王然于以破越及誅南夷兵威風諭滇王入朝滇王者其衆數萬人其旁東北有勞浸靡莫皆同姓相扶未肯聽勞浸靡莫數侵犯使者吏卒元封二年天子發巴蜀兵擊滅勞浸靡莫以

兵臨滇滇王始首善以故弗誅滇王離難西南夷舉國降

漢書無難字杜佑通典無難南

二季注云離西夷請東嚮事漢請置吏入朝於是以為益州郡賜滇王王印復長其民西

南夷君長以百數獨夜郎滇受王印滇小邑最寵焉太史公曰楚之先豈有天祿哉在周為文王師封楚及周之衰地稱五千里秦滅諸侯唯楚苗裔尚有滇王漢誅西南夷國多滅矣唯滇復為寵

王西南夷傳

案益州郡二十四縣全屬於滇較之犍為郡十二縣僅二三縣屬滇越嶲郡十五縣僅一二縣屬滇牂牁郡十七縣僅五六縣屬滇者不同班書地理志載益州戶八萬一千九百四十六口五十八萬四百六十三言之鑿鑿如此當為郭昌軍使陳立太守等之册報存于漢京班氏以僉仔之故得讀中祕書据以入

志合他郡之十數縣計之約百萬口

荀悅漢紀戶千二十三萬三千六百一十二口五千六百五十九萬四千九百九十八此在國家強盛時

案當時滇人數約居全國百分之二

今日之滇人約一千七百萬蓋二千餘年增至十餘

倍云

晉寧郡本益州也元鼎初屬牂牁越嶲元封二年叟反遣將軍郭

昌討平之因開為郡治滇池上號曰益州漢屬縣二十四戶二十

萬晉縣七戶萬去洛五千六百里司馬相如韓說初開得牛馬羊

屬三十萬

南中志

案史記西南夷傳及漢書地理志未言開益州郡之人史記大

宛傳云漢發三輔罪人因巴蜀士數萬人遣兩將軍郭昌衛廣

等往擊昆明之遮漢使者華陽國志南中志云按道侯韓說開

益州又云武帝元封二年叟反遣將軍郭昌討平之則開益州

者郭衛韓三將也

又案莊躡立滇國之時尙缺今滇域之西部漢武因滇域以置益州郡乃有葉榆不韋諸縣是必戰國迄漢百年間躡裔嗣興威德漸廣西部未入版圖者或僅麗順諸域耳故漢以二十四縣之滇國舊域置郡置縣不聞再勞兵力云

賜滇王王印復長其民且以其故俗治毋賦稅

通鑑

倪氏蛻曰案漢武帝闢兩越開西南夷雖好大喜功疲弊中國然使荒服蠻民卒歸聲教功德及人在萬世矣觀其初郡且以其故俗治毋賦稅之詔更令此近之地給初郡較後世之屍骨尙陳而即行變法更制履畝陞科惟恐錐刀之利不盡歸於上者其相去不已遠哉故凡聚斂之臣不識大體匪今伊昔皆可歎也

歷年傳二

割牂牁越嶲各數縣配益州郡

通典通志通考

後數年復并昆明皆以屬之

通典通志通考

案此昆明乃蜀邊藏邊

異牟尋所取者

滇西大理麗江等地

天漢四年沈黎郡并蜀為西部置兩都尉

後漢西南夷傳

一居旄牛主徼外夷一居青衣主漢人

後漢西南夷傳

案此漢武欲開滇蜀外之地不止立七郡也宏謨可想

備覽○莊王墓

案後漢郡國志注會無故濮人邑也今有濮人家冢不閉戶其中多珠人不可取取之不祥又華陽國志晉王遜時盜發莊王墓此滇中冢墓之始故記之莊王不知何名當為躡至嘗羌之一王墓不曰滇王而曰莊王猶爨王蒙詔以姓顯也不能定為

何王姑附嘗羌之後

存疑○册張仁果爲滇王

張道宗記古滇說

案史記西南夷傳有兩寵字一曰賜滇王王印復長其民滇小

邑最寵焉一曰秦滅諸侯唯楚苗裔尙有滇王漢誅西南夷國

多滅矣唯滇復爲寵王史遷親見之事親筆之書班書直錄之

自漢至宋無異詞繹其文義皆以寵王爲莊躡後之嘗羌自古

滇說出刊於沐氏朝弼序於楊氏慎而漢武封仁果爲滇王之

說乃興

四庫提要直以古滇說爲楊慎僞託

楊氏慎滇載記李氏元陽通志阮氏元聲南

詔野史顧氏炎武肇域志毛氏奇齡蠻司誌顧氏祖禹方輿紀

要邵氏遠平續宏簡錄馮氏甦滇考倪氏覲滇雲歷年傳師氏

範滇繫王氏崧備徵志范氏承勳鄂爾泰氏之雲南通志無不

從之竊謂史記前文之寵王尙可附會爲仁果後文之寵王明
明專指楚後之嘗羌與仁果何涉豈兩寵字可分屬兩人乎雖
然正史之文固當遵也野史之文亦當博考楊氏成漢久自謂
能譯契人之白古通白古通今不可見惟見康熙間聖元寺僧
寂裕刊白國因由一卷乃專重佛化間及史事今罕聞通契文
者敢謂漢之士著竟無一著述而載仁果之事乎故採之以入
存疑俟後之君子正焉

存疑

○躡世絕

阮本
野史

南詔野史以莊躡後綱紀不振國人推張仁果爲王至漢武帝命
張騫使滇立仁果爲王

顧亭林肇域志時白崖天竺白飯王之裔名仁果者稱白王爲衆

所戴天子册爲滇王仍治白崖躡世乃絕

顧祖禹方輿紀要漢立仁果爲滇王躡世絕

案新唐書寰宇記皆曰滇池以西皆躡裔考漢三國時滇人之
土著有句町王亡波與禹與邯與承邛穀王任貴益州夷渠帥
棟蠶與若豆姑復夷人大牟昆明夷鹵承白狼王唐叢唐繒越
嵩叟帥高定以及哀牢郡徼外莫延封離等不知尙有一二爲
滇王苗裔否哀牢在躡國之時早已立國與莊王滇同爲與國故知東漢時之哀牢王賢栗柳貌類牢與躡裔無涉顧卽有一二苗裔別爲
一官非復滇王之名否則齊民而已然謂嘗羌之後躡裔同化
於齊民則可謂躡世絕於封仁果後則不可因正史無明文不
必於千餘年後斷之也

昭帝元始元年夏益州夷二十四邑凡二萬餘人皆反遣水衡都尉

發犍爲蜀郡犇命往擊大破之漢書

三年姑繒櫟榆反遣呂辟胡一作破胡將兵擊之敗還漢書

五年遣軍正王平大鴻臚田廣明等並進句町侯亡波率其邑君長

擊反者漢書

句町今臨安顧炎武肇域志

開化府漢爲句町國皇朝職貢圖

案句町作响町華陽國志作鈎町漢地理志後漢郡國志作句

町地道記曰有文象水即今之瀘江也肇域志及滇志以句町

爲臨安府無異詞

五年秋大鴻臚田廣明軍正王平擊益州斬首捕虜五萬餘人獲畜

產十餘萬漢書昭帝紀

六年立句町王

漢書昭帝紀

詔以鉤町侯毋波

鉤町西南夷種武帝時開為縣屬牂牁郡雖置官吏而仍以其君長為鉤町侯使主其種類華陽國志云句町置自漢王姓毋

率其邑君長人

民擊反者有功立以為鉤町王

宣帝五鳳三年遣諫議大夫王褒求金馬碧雞之神

漢書郊祀志

案漢書王褒傳作求金馬碧雞之寶如淳注金形似馬碧形似

雞金碧乃主詞馬雞形容詞猶言石鼓寶雞也金馬碧雞漢地

理志及水經注皆以為在禺同山光景儵忽民多見之司馬彪

郡國志青蛉有禺同山俗謂有金馬碧雞褒祭以文則曰金精

神馬縹碧之雞酈道元水經注與李賢注後漢書李善注文選

引之名碧雞頌左思賦金馬騁光而絕影碧雞倏忽而曜儀思

別傳云先為金馬電發于高岡碧雞振翼而雲披梁簡文帝神

山寺銘云碧雞金馬越瀆梁池魏書常景傳空枉碧雞命徒獻

金馬文駱賓王破蒙驗露布地接祠雞竟無心于改日南詔碑

山對碧雞波環碣石今則昆明之山以金馬碧雞為名樊綽蠻書揚升庵雲南山川考

金馬山雲南府城東二十五里碧雞山西南三十里不復深考漢志矣

成帝河平中夜郎王興句町王禹漏臥侯俞相攻殺帝遣大中大夫

張匡持節和解之不服刻木作漢使射之後陳立為牂牁太守誅興

禹俞乃降節漢書

河平二年夜郎王興鉤町王禹漏臥侯俞更舉兵相攻孟康曰漏臥夷邑名後為縣地理志夜郎

牂牁太守請發兵誅興等議者以為道遠不可擊乃遣大

中大夫蜀郡張匡持節和解興等不從命刻木象漢吏立道旁射

之大將軍王鳳薦金城司馬臨邛陳立為牂牁太守立至牂牁諭

告夜郎王興興不從命立請誅之未報乃從吏數十人出行縣至興國且同亭召興興將數千人往至亭從邑君數十人入見立立數責因斷頭邑君曰將軍誅無狀爲民除害願出曉士衆皆降鉤町王禹漏臥侯俞震恐入粟千觔牛羊勞吏士立還歸郡興妻父翁指與子邪務收餘兵迫脅旁二十二邑反至冬立奏募諸夷與都尉長史分將攻翁指等翁指據阨爲壘二使奇兵絕其饗道縱反間以誘其衆時天大旱立攻絕其水道蠻夷共斬翁指西

夷遂平

考異曰西夷傳但云河平中而胡旦漢書春秋云在此年十一月未知何据通鑑

案刻木象漢吏可爲滇人古工藝之證

四年孟璇卒

璇字孝琚朱提縣人隨官武陽受韓詩通孝經二卷卒于蜀歸葬

于滇有碑立于昭通今尙存

案滇中古碑以此為始光緒辛丑始出土据碑以丙申年卯月
卒十一月癸卯起墳十二日乙卯平下以汪曰楨長歷推之知
為漢成帝河平四年孝琚經師卓卓可傳而滇人在西漢已通
經學尤可見儒風之興且其曾祖已官嚴道父又官武陽以一
世三十年推之則滇人出仕外省者已在景武之世文化早開
確鑿如此故視為大事而採之

孟碑考證詳見金石考

備覽○綏和元年犍為郡得古磬十六枚

漢書

古磬十六枚

原注說文曰磬樂石也古句氏作磬後或以玉為之

議者以為善祥劉向因是說上宜興辟

漢書

雍設庠序陳禮樂隆雅頌之聲盛揖讓之容以風化天下

漢書西南夷傳

王莽篡位改漢制貶鉤町王為侯

鉤町王邯怨恨牂牁大尹周欽詐殺邯邯弟承攻殺欽州郡擊之

不能服會莽敗漢興復舊號云

漢書西南夷傳

庸部牧李犇擊蠻夷若豆等

漢書六十九下

光武建武十四年邛穀王長貴遣使上三年計天子即授越嶲太守

印綬

後漢書西南夷傳

初王莽時長貴殺太守枚根降于公孫述益州太守文齊拒之光

武即位牂牁大姓龍傅尹董

范志引誤作等

與文齊同保境奉貢於漢貴乃

降

後漢西南夷傳

漢興誅貴

漢書西南夷傳

案牂牁大姓龍傅尹董與功曹謝暹保境為漢由番禺江入貢

謝暹名傳餘惜不傳以南中志諸書考之四姓之後傳有巴郡

太守傅寶董有秀才董敏九真太守董元及董霸尹有叔重弟
子尹珍及南州人士尹貢疑皆其族

十九年西南夷寇益州郡遣武威將軍劉尚討之

後漢書
帝紀

十八年夷渠帥棟蠶與姑復牒榆楸棟連然滇池建伶昆明諸種

反叛益州太守繁勝與戰而敗退保朱提

後漢西
南夷傳

二十一年春正月劉尚破益州夷平之

帝紀

十九年尚軍渡瀘水入益州界二十年進兵連戰明年追至不韋

諸夷悉平

後漢西
南夷傳

二十三年哀牢王賢栗遣兵擊附塞夷鹿菱

後漢西
南夷傳

案南中志鹿菱稱王又殺哀牢之六王故常璩曰其渠帥皆稱

王王殆曾爾

二十七年益州郡徼外蠻夷率種人內屬

帝紀

哀牢賢栗等率種人戶二千七百七十口萬七千六百五十九詣越

嵩太守鄭鴻降求內屬封賢栗等爲君長

後漢西南夷傳

自是歲來朝貢其稱邑王者七十七人西南去洛陽七千里

後漢西南夷傳

華陽國志世祖納之以爲西部屬國其地東西三千里南北四千六百里

案哀牢之先在戰國而已顯至光武而內屬至明帝而置郡世系綿綿數百年且不待用兵而內嚮休哉賢栗休哉柳貌可以風矣雖建初元年哀牢王數反攻博南明年春昆明夷鹵承等應募破之疑其後裔之愚弱然可見漢設新郡王仍舊封而唐書南詔傳謂蒙氏爲哀牢後裔究何嘗愚弱哉

明帝永平元年以張翕爲越嶲太守

後漢書印都夷傳

案後漢書翕得夷人和在郡十七年卒

十年置益州西部都尉居嵩唐

崔豹古今注

案益州西部殆今之大理永昌南中志云益州西部金銀寶貨

之地居其官者皆富及十世

後漢西南夷傳同

明帝設都尉軍職所以憑藉

富強經畫哀牢也史記司馬相如言西夷邛笮可置郡爲置一

都尉十餘縣公孫弘往視言西南夷害上罷西夷獨置南夷夜

郎兩縣一都尉復掄剽分二方卒爲七郡

西南夷傳

可知欲置郡縣先

置都尉兩漢一也後置永昌郡罷都尉斯職之興廢非偶然者

十二年以益州徼外哀牢王率衆慕化地曠遠置永昌郡

文選一注引東觀漢記

華陽國志哀牢抑狼

柳貌之訛

遣子奉獻乃置郡以鄭純爲太守寧州之

極西南也

後漢書明帝紀永平十二年春正月益州徼外夷哀牢王相率內

屬于是置永昌郡罷益州西部都尉

原注西南夷傳曰罷益州西部所領大縣合為永昌郡置哀牢博南二縣去洛陽七千里今在匡州匡縣西

太平寰宇記柳貌率邑王七十七人

李志二年

十二年之訛

以西部都尉鄭純為永昌太守

范志哀牢王柳貌率其民五萬餘戶內屬以其地置哀牢博南二

縣割益州郡西部六縣為永昌郡

案班固東都賦云自孝武之所不征孝宣之所不臣莫不陸讐

水慄奔走而來賓遂綏哀牢開永昌春王三朝會同漢京可證

今滇域之極西哀牢自立漢於西部曾設都尉明帝罷都尉歸

永昌一時盛事千載邊防胥關繫于此矣

又案後漢書通典寰宇記博南山高三十里行者歌曰漢德廣
開不賓度博南越蘭津渡蘭倉爲他人蓋民情初多不便後得

永昌太守鄭純爲政清潔夷俗化之人才之所繫重矣

南中志水經注以漢德廣之歌

爲武帝時未知孰是

楊終作哀牢夷傳上之

王氏充曰子山爲上計吏見三府作哀牢傳不成歸郡作上孝明

奇之徵在蘭臺

論衡佚文篇

後漢書楊終字子山

案終書已佚惟風俗通南中志後漢書並注所言哀牢事必本

終書無疑

又案此爲滇中志書之始

又案漢朝得地朝命必為作史即哀牢傳可見矣史遷南略歸
作西南夷傳班勇西征作西域冊報君明臣良可式千古

十七年白狼王唐菽等百餘國舉種奉貢

後漢西
南夷傳

永平中益州刺史梁國朱輔好立功名慷慨有大略在州數歲宣
示漢德威懷遠夷自汶山以西前世所不至正朔未加白狼槩木
唐菽等百餘國戶百三十餘萬口六百萬以上舉種奉貢稱為臣
僕輔上疏曰臣聞詩云彼徂者岐有夷之行傳曰岐道雖僻而人
不遠詩人誦詠以為符驗今白狼王唐菽等慕化歸義作詩三章

路經邛來大山零高坡

山海經曰崒山江水出焉郭璞曰中江所出也華陽國志曰邛來山一名邛笮故邛
人笮人界也巖阻峻回曲折乃至山上凝冰夏結冬則劇寒王陽行部至此而退者

也有長貧苦探入度之
難陽毋闕峻並坂名

峭危峻險百倍岐道

言詩人雖歎岐道之阻但以文王之
道入以為夷易今邛來峭危甚於岐

襁負老幼若

歸慈母遠夷之語辭意難正草木異種鳥獸殊類有犍為郡掾田

恭與之習狎頗曉其言臣輒令訊其風俗譯其辭語今遣從事史

李陵與恭護送詣闕並上其樂詩昔在聖帝舞四夷之樂今之所

上庶備其一帝嘉之事下史官錄其歌焉東觀記載其歌並載夷人本語並重譯訓詁為華言今范史所載者是也今錄東觀夷言以為

此注也遠夷樂德歌詩曰大漢是治提官魏構與天意合魏冒愉渭吏譯平端罔譯劉脾不從

我來旁莫支留聞風向化微衣隨旅所見奇異知唐桑艾多賜繒布邪毗甘美酒食推潭昌樂

肉飛拓拒蘇便屈申悉備局後仍離蠻夷貧薄僕讓龍洞無所報嗣莫支度由願主長壽陽維子孫

昌熾莫釋角存遠夷慕德歌詩曰蠻夷所處僕讓皮尼日入之部且交慕義向化繩動

歸日出主路且棟維聖德深恩聖德渡諾與人富厚魏菌度洗冬多霜雪絲邪流蕃夏多和雨荏邪尋螺

寒溫時適貌溽瀟離部人多有齒補邪推涉危歷險辟危歸險不遠萬里莫受萬柳去俗歸德術德

心歸慈母仍路孽摸遠夷懷德歌曰荒服之外荒服之儀土地燒塢犁籍憐憐食肉衣皮

阻蘇邪犁不見鹽穀莫楊吏譯傳風罔詳傳微大漢安樂是漢夜拒攜負歸仁縱優格仁觸冒險陝

雷折險龍高山岐峻倫狼藏帳綠崖礮石扶路側祿木薄發家息落服淫百宿到洛理歷髡維父子同賜

捕菴齒毗懷抱匹帛懷囊匹漏傳告種人傳言呼救長願臣僕陵陽臣僕是時郡尉府舍皆有雕

飾畫山神海靈奇禽異獸以眩耀之夷人益畏憚焉和帝永元十

二年旄牛徼外白狼樓薄蠻夷王唐繒等遂率種人十七萬口歸

義內屬詔賜金印紫綬小毫錢帛各有差

後漢符都夷傳

白狼槃木唐菽等百有餘國戶百三十餘萬舉衆奉貢稱臣

太平寰宇記

案狼浪通用白狼爲今麗江地獻歌三章唐菽作田恭譯朱輔

上于朝范曄探于史傳而東觀漢記並載夷文洵古今罕見之

奇文

章帝建初元年九月永昌哀牢夷叛

紀帝

蠻夷陳縱等及哀牢王類牢反攻雋唐城永昌太守王尋走奔牒

榆司馬彪
天文志

鄭純在官十年而卒後人不能撫循夷人九月哀牢王類牢反攻

博南通鑑

二年永昌越嵩益州三郡兵及昆明夷鹵承等擊哀牢王類牢於博

南斬之通鑑

元年哀牢王與守令忿爭遂殺守令而反攻嵩唐攻博南燔燒民

舍肅宗發越嵩益州永昌夷漢九千人討之明年春邪龍縣昆明

夷鹵承等應募率種人與諸郡兵擊類牢於博南大破斬之賜鹵

承帛萬匹封為破虜傍侯邑南中志

元和二年以王阜為益州太守華陽國志王阜傳雲南府志在元和二年神馬出滇池河中甘露降

白鳥見始興起學校後漢書西南夷傳

郡國曰學縣道侯邑國曰校校學置經師二人庠序置孝經師一

人漢書平帝紀

元和二年建學立師全滇有學校始此李志

案神馬之說近妄顧滇馬實佳古籍可證水經注云

又案西南夷傳元和中蜀郡王追

華陽國志作阜

爲太守政化尤異有神

馬四匹出滇池河中甘露降白鳥見始興起學校漸遷其俗滇之學校實興于此五塘雜俎云滇早祀孔元史乃謂張立道始祀孔子謬已特後漢書僅言元和中華陽國志僅言章帝時而范志歷年傳雲南府志皆云元和二年今從之

和帝永元六年永昌徼外敦忍乙王莫延慕義遣使譯獻犀牛大象

九年正月永昌徼外蠻夷及揮國重譯來貢

原注揮音搜東觀記作攢俗本以禪字相類或作禪者誤帝紀

案西南夷傳帝賜金印紫綬小君長皆加印綬錢帛

又案後漢書揮國西南通大秦大秦古羅馬今歐州也漢時極

西之國與中國通皆道天竺而揮而滇也非徒漢也唐亦有然

孫光憲北夢瑣言唐咸通中召天竺三藏僧遇成都以北天竺

與雲南接境欲假途而還為蜀察事者繫之具得所記朝廷次

第文字可不慎諸

十二年春正月旄牛徼外白狼獠薄夷率種人內屬

紀帝

案西南夷傳作白狼樓薄蠻夷王唐縉等率種人十七萬口內

屬疑縉為菽之後

安帝永初元年三月永昌徼外僬僂種夷貢獻內屬

紀帝

永昌徼外僬僥種夷陸類等三千餘口內附獻象牙水牛封牛

後漢西南

傳夷

四年九月甲申益州郡地震

紀帝

案滇之地震多由火山災傷人物不可不謂之大事近數十年

中石屏替峨太和三大震慘不可言則今後地震之學不可忽

也故于正史中紀地震事著其初次後從略

六年詔越嶲置長利高望始昌三苑詔益州郡置萬歲苑

紀帝

案漢京力役遠及滇邊如此

元初四年越嶲夷寇遂久殺縣令

紀帝

案西南夷傳作五年卷夷大牛封離等及畔殺遂久令

五年春正月越嶲夷叛秋七月越嶲蠻夷及旄毛豪叛殺長吏六年

永昌益州蜀郡蠻夷叛與越嶲夷殺長吏燔城邑益州刺史張喬討

破降之

帝紀

案西南夷傳喬遣從事楊竦將兵至牂榆擊之封離等惶怖乞降竦厚加慰納其餘三十六種皆來降附竦因奏長吏姦猾侵犯蠻夷者九十人皆滅死夫害馬者去馬羣自安倪氏蛻盛稱竦以爲世法允哉

又案漢成帝時翁指迫脅旁二十二邑反昭帝時益州二十四邑反明帝時封離等三十六種皆降晉李毅爲南夷校尉鎮南中統五十八部隋史萬歲定三十餘部唐梁建方降其部落七十二宋段素順明政三年石城碑三十七部會盟元史兀良合台信苴日下三十七部大理碑同皆見于正史及金石者顧漢

晉宋齊所設郡縣地名戶口無一不具正史中何以滇人當日
尚有若干邑若干種若干部之名耶益州邑數與縣合疑一邑
一縣晉唐部多疑指全滇漢成帝時之邑似專指滇黔界而言
宋後之部似專指滇東部而言蓋民間俗稱沿土人習慣某邑
某部之數朝廷定制嚴官守法律某郡某縣之職兩不相妨故
史文隨宜而用之耳

永寧元年十二月永昌徼外擇國遣使貢獻紀帝

後漢西南夷傳擇國王雍由調復遣使者詣闕朝賀獻樂及幻人
能變化吐火自支解易牛馬頭又善跳丸數乃至千自言我海西
人海西即大秦也擇國南通大秦明年元會安帝作樂封雍由調
爲漢大都尉賜印綬金銀綵繒各有差也

案由永昌而西大地槩槩僅據後漢哀牢夷傳而論有鹿芑王
敦忍乙王擇國王及小君長焦僥種夷海西幻人即大秦人俱
由哀牢入華以今地證之近至緬遠至歐均極交通之利蓋自
光武明帝經營永昌徼外嚮風集于漢京和帝安帝咸加優異
橫萬餘里縱百餘年范書悉附於哀牢傳中一以彰漢威一以
恢漢土雖謂之宏攬遐方深抱遠略可也惜乎無能繼之者

順帝永建四年冬十二月丙午越嶲山崩

帝紀

案山崩亦大事也茲著初次後從略

六年擇國遣使貢獻

原注東觀記擇國王雍
申賜金紫印綬帝紀

案雍由調雍申可考漢代之緬姓唐貞元中有雍羗獻驃樂疑

是一系

靈帝熹平五年夏四月益州郡夷叛太守李暉討平之帝紀

華陽國志靈帝熹平中蠻夷復反擁沒益州太守雍陟遣御史中丞朱龜將并涼勁兵討之不克朝議不能征欲依朱崖故事棄之太尉掾巴郡李容獻陳方策以為可討帝乃拜容益州太守與刺史龐芝伐之徵龜還容將巴郡板楯軍討之皆破陟得生出後復更叛梓潼景毅為益州太守承喪亂後民夷困餓米一斗千錢皆離散毅至安集後米一斗八錢

五年永昌太守曹鸞上書訟黨人檻車徵棄市袁宏後漢紀

案漢時邊吏之關心朝政維持政黨如此

爨習為建伶令三國志蜀志李恢傳

蜀志李恢任督郵姑夫爨習為建伶令有違犯之事恢坐習免官

董和以習方士大姓寢而不許

李恢傳

案滇中執政爨氏最長見於史者習其最先鄭樵通志引謝承後漢書之河南尹爨肅當即大爨碑之先人爨肅雖與習同時而事已不詳習令建伶恢猶督郵故列於恢見先帝之前蓋著爨氏之早興矣

獻帝建安十九年劉備使建寧督郵李恢往說馬超

通鑑

超知張魯不足與計事遂從武都逃入氏中密書請降於備

通鑑

案滇人之建功川陝立傳正史自恢始故表之

又案滇人經學當以孟孝琚之受韓詩孝經爲先史學當以彪固後之爨氏爲顯如李恢者固不以經史學著也然當庾降都督鄧方卒先主與恢議代方者恢對曰人之才能各有長短孔

子曰及其使人也器之且夫明主在上則臣下盡情是以先零之役趙充國云莫若老臣臣竊不自揣非但自知甚明亦且引用經書爛熟史事師荔屏云李德昂豈愧西州豪傑信矣夫

獻帝建安十九年蜀先主定蜀遣安遠將軍南郡鄧方以朱提太守

庾降都督治南昌縣

南中志

常氏璩曰蜀之南中諸郡庾降都督治也南中在昔滇僕句町夜

郎棄榆桐師雋唐侯王國以十數莫能相雄長

南中志

方輕財果毅夷漢敬其威信

南中志

南昌縣故都督治有鄧安遠城也

南中志

建寧郡治故庾降都督屯也南人謂之屯下

南中志

裴氏松之曰訊之蜀人云庾降地名去蜀二千餘里時未有寧州

號爲南中立此職以總攝之晉泰始中始分爲寧州

蜀志李恢傳注

案先主入成都即注重南中特設庾降都督重用鄧方及即帝位重用李恢夫以冀荆奔亡之先主何以重視南中若是讀蜀志李恢傳始知恢以南中人知南中事必有深謀密策獻於先主者設庾降督于味縣資滇力以鞏蜀疆殆恢之一策也故始用鄧方八年而威信大著繼乃自薦十二年而平定功多恢之愛鄉報國洵卓卓也方輕財築城僑治南昌南昌者朱提郡之一縣也本欲進據庾降之治所而一時未克深入故常璩著之曰治南昌縣恢繼方而進住平夷縣平夷者牂牁郡之一縣

晉元帝始

改平夷郡

仍未達庾降之治所故陳壽著之曰住平夷縣至武侯定南

中改益州爲建寧以恢爲太守加安漢將軍領交州刺史故常

璩又著之曰移治味縣而建寧乃成爲康降都督屯也鉤稽而臆定之未知是否